

經

月燈三昧經

六之一

女


C40
4514
55



C40-4514



B 64853



金山代藏印

丁亥年春請大藏及有
 藏經於此院中永
 為學若不敢許出院內
 磨山之世鐵牛提謹誌



皇圖鞏固 帝衢遐昌
佛日增輝 灑輪常轉

月燈三昧經卷之一

高齊天竺三藏法師那連提黎耶舍譯

如是我聞一時婆伽婆住王舍城耆闍崛山與大比丘衆百千人俱菩薩八十那由他皆一生補處阿逸多菩薩摩訶薩而爲上首四天王釋天王娑婆世界主大梵天王及餘增上福德諸天增上威勢阿修羅王龍王夜叉乾闥婆緊陀羅摩睺羅伽人非人等前後圍遶瞻仰如來時此衆中有菩薩名月光童子已於過去俱養諸佛植衆善根自識宿命信樂大乘安住大乘大悲相應從座而起徧袒右肩右膝著地而

白佛言世尊我今於佛欲有所問惟願聽許除斷我
 疑佛言童子隨汝所樂於彼彼問當為汝說令得歡
 喜我一切智一切知見於一切法有力無畏而得自
 在與無障礙解脫知見相應童子如來無所不知無
 所不見無所不證無不選擇覺知無量無邊世界童
 子諸佛世尊於彼彼問悉能隨答皆令心喜爾時童
 子以偈問言

諸佛行於何等行

能為世親作光明

能得不可思議智

惟願救護解說之

何行得斯說法上

人中牛王天敬奉

不可稱量最上智

惟願為我善分別

我以深信故諮問

真實無有誣曲心

餘更無能證知我

惟是人尊所照見

我有廣大樂勝心

釋種師子知我行

我心不為語言故

惟願我為說助道

何法能將諸佛來

而得增長無邊智

於一切法到彼者

惟願為我善宣說

願說長養我佛法

令得修成明利智

深心持戒不毀犯

遠離一切諸怖畏

云何於戒而不棄

云何於慧而不減

云何安任阿蘭若

云何而得增智慧

云何能入勝妙法

樂護禁戒無悔恨

云何於戒而不缺

云何能知有為性

云何得斯三業淨

無染穢心起佛道

云何能得身業淨

云何能除口意惡

云何得離雜染心

惟願世尊隨問說

爾時佛告月光童子菩薩摩訶薩若與一法相應速得阿耨多羅三藐三菩提如是諸法悉皆剋復云何一法若菩薩摩訶薩於衆生所起平等心救護心無礙心無毒心是為一法相應速成阿耨多羅三藐三

菩提能獲如是功德之利爾時世尊而說偈言

若有受持是一法

能順菩薩正修行

因此一法功德故

速得成於無上道

於一切處心無礙

勇猛菩薩所能行

初不起於憎愛想

如是則獲妙功德

若能如是修等心

則得證於平等果

如是法行俱平等

則得足下安平相

修於平等離瞋心

能除一切煩惱覆

以是因緣足下平

故獲足下蓮華色

彼能獨顯於十方

福德光明遍佛土

既得登於寂滅地

調伏無量諸眾生

童子菩薩摩訶薩於一切眾生起平等心救護心無
礙心無毒心爲世間眼證得三昧名爲諸法體性平
等無戲論三昧從彼三昧成就十法何者爲十一身
戒二口戒三意戒四業清淨五度諸因緣六悟解諸
陰七得界平等八除諸入相九斷滅諸愛十證於無
生復有十法一入諸法性二顯示諸因三不壞於果
四現見諸法五修習於道六與佛俱生七智慧明利
八入諸衆生樂欲之智九得於法智十入無礙辯智
復有十法一善知文字智二已度諸事三得音聲智

四於界平等五得界平等心生踊悅六得於喜分七
得不曲心八威儀調伏九得質直心十色無瞋變復
有十法一面常怡悅二言辭和雅三恒先慰問四常
不懈怠五恭敬尊長六供養尊長七生處知足八修
善無厭九邪命清淨十安任阿蘭若復有十法一地
地安任智二正念不忘三得陰方便智四界方便智
五入方便智六證諸神通七滅諸煩惱八斷除習氣
九心常勇猛十任不淨觀復有十法一知犯方便二
滅諸有流三斷諸結使四已度諸有五善識宿命六
於業果無疑七於法思惟八求於多聞九得於利智

十得調伏地復有十法一不恃持戒二不妄想分別
三無有輕躁四住不退相五出生善法六厭離惡法
七不行煩惱八不捨於學九分別諸禪十得一切眾
生樂欲之智復有十法一善分別生處二得於盡智
三善知語言智四棄捨俗緣五厭離三界六不起下
心七不著諸法八攝受正法九守護正法十知律方
便復有十法一滅諸諍二不相違三不鬪訟四忍平
等五得忍地六自攝於忍七善擇諸法八心樂具戒
九決定方便善於問答十善分別句義智復有十法
一於法出生方便智二善知義非義出生智三前際

智四後際智五現在智六三世平等智七善解三輪
智八心安任九身安任十善護威儀復有十法一不
壞威儀二分別威儀三威儀端雅四善解說義五得
世智六好施不慳七恒舒施手八常施不絕九無物
不施十有慚復有十法一有愧二棄捨惡心三不捨
頭陀四於信無爽五常行喜行六捨所坐處施諸尊
長七捨於憍慢八善攝於心九善知心相應十善知
心起復有十法一善知義智二善知法智三遠離無
知四善入微細心五識心自性六善知法去來方便
七善知一切語言智八善得辭無礙差別九得義決

定方便智十棄捨非義復有十法一親近善人二與
之同事三聽受其教四遠離惡人五修禪起通六不
著禪味七遊戲神通八得於世智九遠離施設假名
十不厭有爲復有十法一得利不欣二逢衰不感三
稱而不悅四譏而不憂五譽之不增六毀之不減七
不苦八不樂九不親在家十不在僧衆復有十法一
捨不恭敬二行於恭敬三禮儀具足四捨無禮儀五
不汙俗家六守護佛法七寡默少言八言行不麤九
與彼言談善能方便十降伏諸怨復有十法一善知
時節二於諸凡夫不可知想三於諸貧賤不起輕心

四有乞卽施五於諸貧者任乞不障六於諸破戒不
起嫌心七念欲救彼八善知所作九攝受正法十捨
於財食復有十法一不營積聚二讚歎持戒三訶責
犯戒四敬奉持戒無有諂心五一切所有悉皆能施
六誠心勸請七如說而行八承事智人九於諸法決
定深樂修行十得譬喻智復有十法一於前際方便
二修善爲首三有諸方便四斷除諸相五棄捨諸想
六善知事相七能演諸經八於諸違順善得方便九
於諦決定十證於解脫復有十法一所言真直二顯
自性智三言說無疑四繫想於空五修於無相六知

無願性七得四無畏八於戒堅固九入正具足十得
於智慧復有十法一繫想一緣二少結親知三不起
濁心四棄捨諸見五得陀羅尼六得智七得明八安
住九住持十正勤童子是名菩薩摩訶薩從彼諸法
體性平等無戲論三昧成就如是諸功德利童子如
是三昧名爲因名爲相應名爲教名爲門名爲作名
爲道行名爲無礙名爲師導名爲行順忍名爲忍地
名爲除去不忍名爲智地名爲遠離無知名爲建立
於智名爲方便地名爲菩薩遊行名爲親近勝丈夫
名爲遠離惡丈夫名爲如來所說佛地名爲智者隨

喜名爲愚者所棄名爲聲聞難知名爲非外道地名
爲如來所攝名爲十力所知名爲諸天供養名爲梵
王禮拜名爲帝釋隨後行名爲龍神曲躬名爲夜叉
隨喜名爲緊陀羅所讚名爲摩睺羅伽歎美名爲菩
薩所修名爲智者所求名爲得無上道物名爲非財
食施名爲除諸衆生煩惱病藥名爲智藏名爲無盡
辯財名爲出生諸教名爲除諸痛苦名爲知三界名
爲渡棧名爲渡四流船名爲出生名譽名爲讚顯如
來名爲如來利益名爲光讚十力名爲出生菩薩道
德名爲慈滅恚怒名爲悲除惱害名爲歡喜寂靜於

心名爲捨所悲人名爲蘇息大乘人名爲能師子吼
名爲佛道名爲一切法印名爲引導一切智名爲菩
薩遊戲園死名爲散壞魔軍名爲善逝衢術名爲成
諸吉義名爲防捍讎敵名爲以法降怨名爲眞實無
畏名爲如實不妄求力名爲十八不共法根本名爲
莊嚴法身名爲諸行威勢名爲莊嚴佛慧名爲棄諸
愛著名爲悅佛長子名爲滿足佛智名爲非辟支佛
地名爲清淨心名爲清淨身名爲成就解脫名爲無
諸雜欲名爲無諸雜慧名爲非愚癡地名爲阿舍智
名爲能起諸術名爲除諸無明名爲滿足解脫名爲

踊悅禪人名爲須見者眼名爲遊戲神通名爲能現
神足名爲聞持陀羅尼名爲念持不忘名爲諸佛所
加名爲導師方便名爲微細難知無相應者名爲捨
於文字名爲深知義智名爲知見智名爲分別智名
爲不可言說智名爲能調非智名爲質直者智名爲
少欲者智名爲攝持精進名爲能持不忘名爲能消
諸苦名爲諸法無生名爲一言演說能知所有生滅
諸趣是名一切法體性平等無戲論三昧說是法門
時會中有八十那由他人天得無生法忍九十二那
由他人天得隨音聲忍七十六那由他人天得於順

經

丁三

女

忍六萬人天遠塵離垢得法眼淨一千比丘盡諸有
 漏心得解脫二百五十比丘尼盡諸有漏心得解脫
 五百優婆塞得阿那含果八百優婆夷得斯陀含果
 是時三千大千世界六種震動所謂動遍動等遍動
 涌遍涌等遍涌起遍起等遍起吼遍吼等遍吼震遍
 震等遍震覺遍覺等遍覺東涌西沒西涌東沒南涌
 北沒北涌南沒中涌邊沒邊涌中沒以法力故欻然
 而起未曾有光悉能暉照幽冥邊遠乃至阿鼻地獄
 無不大明是時世界鐵圍之間黑闇衆生更相瞻覩
 咸各驚言何忽在此有斯人輩爾時世尊而說偈言

我念往劫六億佛	本生見在耆闍山
我於過去求道時	從彼諸尊聞斯定
時彼六億最後佛	爲世間親作光明
號曰娑羅樹王佛	我從彼尊問是定
我時生在刹利種	於諸王中最尊勝
有子滿於五百數	具足一切諸技能
我時爲彼無上尊	建立伽藍滿一億
純用勝妙大栴檀	糝以金銀及衆寶
我時爲王人愛樂	號曰毘沙謨嚧王
爲佛廣設諸供養	滿足萬八百億歲

彼時最勝兩足尊
於其七億六千年
有八十億諸聲聞
住於漏盡最後身
我備種種勝供具
爲欲利益諸人天
我與妻子俱出家
於千四萬億歲中
八萬那由偈稱讚
彼佛以此爲他說

號曰娑羅樹王者
任壽世間弘道化
三明六通常在定
如是聖衆無譏毀
供養度諸惡趣者
是以求於此三昧
持彼佛教無與比
我常諮問是三昧
異異偈頌八億垓
惟論此定之一品

頭目手足并妻子
一切財貨無不捨
念昔百億諸如來
是等皆任耆闍山
皆同釋迦一名號
給侍同名爲歡喜
最第一雙世智者
世界同名爲娑婆
我以諸供奉人尊
諸供養具皆奉上

種種珍寶及飲食
爲求如是三昧故
復有恒河沙數佛
宣說如是勝寂定
佛子同字羅睺羅
王城同號迦毘羅
同名目連舍利弗
彼佛俱出濁惡世
爲欲行於菩提行
爲欲誦持此定故

發修勝行得此定
 安任一切德行者
 不著諸味離躁優
 安任大悲離瞋恚
 遠俗不憐於世利
 於戒皎然無所畏
 勇猛精進常不息
 安任無我妙法忍
 善調伏心無戲論
 樂行捨施無慳悋

得斯定行無量種
 得是三昧則不難
 不涉世俗無嫉妬
 得是三昧則不難
 邪命清淨無煩惱
 得是三昧則不難
 愛樂閑寂行頭陀
 得是三昧則不難
 安任威儀無行等
 得是三昧則不難

如來所有諸相好
 力無畏等得不難
 佛眼所見諸衆生
 彼佛一一各壽命
 彼佛各有無量頭
 一頭各有無量舌
 彼一一舌各稱揚
 說其少分不能盡
 若有順定頭陀德
 爲諸王等常順從

及以十八不共法
 以能受持此定故
 假使一時俱成佛
 千萬億數難思劫
 猶如大海諸沙數
 其數亦如大海沙
 持定一偈之功德
 何況書寫及受持
 天修羅鬼所愛護
 受持難見寂定故

彼有無邊無礙辯

宣說無量百千經

於一切時常不斷

以持此經聞持藏

若欲得見彌陀佛

及彼安樂世界等

後大怖畏惡世時

應當聞持是三昧

我今於汝有付囑

我人中尊自勸汝

我涅槃後末世時

應當聞持是三昧

十方所有一切佛

過去世中及現在

彼佛皆學是三昧

得到無為佛菩提

童子以是義故若有菩薩摩訶薩欲於如來真實功德開示辯說義味名號無有窮盡一切所說為佛所

說汝今應當讀誦受持為他廣說如是三昧童子何者如來實德名號若菩薩摩訶薩任阿蘭若樹下空閑靜默獨坐當如是學謂如來應供正遍知明行足善逝世間解無上士調御丈夫天人師佛世尊積集如來勝妙功德修諸善根而不壞失以大忍力得諸相華及隨形好而自在嚴可愛色中最為增上觀者無厭敬信愛樂於諸智慧無能奪者不可壞力化諸眾生為菩薩之父為聖賢之王為向涅槃導師無邊智慧無量辯才梵音清雅言聲辯暢相好希奇有目眇伴隨所觀處欲捨不能得無比身不為欲染不為

色染過無色界遠離諸苦棄捨諸法解脫諸界非入相應斷除諸結盡諸渴愛度於四流滿足智慧安處涅槃住於實際童子此顯如來真實功德是名菩薩摩訶薩住彼三昧能獲如來真實功德開說名義無有窮盡一切所說諸佛所記爾時世尊而說偈言

於無量數千劫中

不能盡說如來德

久集一切妙善根

爲求如是勝定故

莊嚴美女姝妙身

最上希奇可樂色

我本決施無悔心

爲求如是勝定故

捨所重財及僮僕

摩尼大寶與金銀

以勝上心而施彼

爲求如是三昧故

以摩尼寶珠瓔珞

天冠臂印及金繩

昔曾奉施諸導師

爲求如是勝定故

諸妙香華無量裹

皆是捷陀婆師香

我以此華散佛塔

增上淳至勝妙心

我以無量諸法施

歡喜開導諸衆生

於諸名聞及利養

我初不起如是心

我本習於頭陀德

獨在樹下默無言

無量慈悲愍衆生

爲求無上菩提果

共任同戒無違諍

愛語常流潤澤音

言辭柔輒人樂聞
 住於他舍離家慳
 歡喜常自行乞食
 若有多聞能受持
 如是便為供養我
 我昔行於種種施
 以無量種供養佛
 我於無量世界中
 聞是三昧持一偈
 一切所有種種華

一切見之無厭捨
 無量億生不嫉妬
 於諸請召皆棄捨
 於此三昧四句偈
 以勝上心而尊敬
 長夜於戒而不犯
 為求如是寂定故
 滿中摩尼而廣施
 此福過彼不可量
 及諸妙香甚希有

供養一切諸如來
 世間所有諸妓樂
 無量劫中增上心
 若人興於菩提願
 若人於此三昧經
 於恒河中所有沙
 數演彼德不能盡

樂修善根無量劫
 勝妙飲食及寶衣
 常以供養諸十力
 當獲無上大法王
 聞說一偈福過彼
 爾所劫數說其利
 以持無量福定故

童子以是義故菩薩摩訶薩於是三昧應當至心受
 持讀誦為他演說分別顯示廣化衆生修是三昧爾
 時世尊即說偈言

於彼佛所聞如是	無上勝妙之利益
是故我今爲汝說	諸佛所說勝三昧
七億三千萬佛所	我於過去曾供養
彼諸一切如來等	亦說如是修多羅
由此能入大悲心	是故顯說此三昧
若有習學多聞者	得如來智則不難
若能於彼末世時	世間導師滅度後
有諸毀法惡比丘	於彼多聞不憐樂
雖說戒法而得活	自於戒法不樂行
雖說禪定而得活	自於禪定不樂行

雖說智慧而得活	自於智慧不樂行
雖說解脫而得活	自於解脫不樂行
雖說知見而得活	自於知見不樂行
如人口說栴檀香	於諸香中最爲上
有人問說彼香者	汝所說香自有不
答云我實不聞香	但由說香而得活
於佛滅後末惡世	有不應戒諸比丘
雖說戒法而得活	不能自行於戒法
於佛滅後末惡世	有不應戒諸比丘
雖說定法而得活	不能自行於定法

於佛滅後末惡世
 雖說慧法而得活
 於佛滅後末惡世
 雖說解脫而得活
 於佛滅後末惡世
 雖說知見而得活
 譬如貧賤爲他欺
 人天龍鬼鳩槃荼
 若得三昧微妙地
 爲彼人天之所敬

有不應戒諸比丘
 不能自行於慧法
 有不應戒諸比丘
 不能自行解脫法
 有不應戒諸比丘
 不能自行知見法
 後時富貴人所敬
 終不供養無定者
 智者便得廣智藏
 能以上施施衆生

我聞如是之利益
 親屬資財皆悉捨
 月光童子心歡喜
 我於佛仙滅度後
 於自身命能棄捨
 於後惡世怖畏時
 我見世間無量苦
 於彼復起大悲心
 衆中五百人咸起
 童子於彼爲上首

最爲勝上佛所演
 爲欲聞說是三昧
 合掌向佛說是言
 當護持此佛勝法
 及諸世間種種樂
 當護持是勝妙定
 興大悲心而欲拔
 而爲說此勝三昧
 亦願護持是三昧
 亦共持此勝三昧

爾時月光童子白佛言世尊所言三昧何者是也佛
 言童子諦聽諦聽當為汝說謂一能寂滅於心二無
 所起三無和合智四棄捨重擔五得如來智六成佛
 威力七治其欲著八滅除瞋恚九斷離愚癡十住心
 相應十一捨不任心十二樂欲善法十三欲奪有為
 十四安任正信十五夜常覺寤十六不捨禪定十七
 增已生善十八於生不樂十九不造諸業二十不計
 內入二十一不計外入二十二不讚自身二十三不
 毀他人二十四不在俗家二十五戒行淳淑二十六
 無能輕欺二十七有大福德二十八自知二十九不

輕躁三十安任威儀三十一捨麤惡言三十二無怒
 恚心三十三救護於彼三十四護善知識三十五護
 持密語三十六於諸衆生不起害心三十七不惱持
 戒三十八恒柔輒語三十九不依三界四十於一切
 智而得順忍爾時世尊而說偈言

我已開於甘露門

我已說諸法自性

我已示於生死過

我已開顯涅槃利

我已教離惡知識

常當親近善知識

離諸憤衆住寂靜

常修慈心而不絕

於清淨戒常護持

歡喜樂於頭陀行

若龍常習於捨慧
此龍得於寂滅地
必當證於佛智慧
見諸衆生有智慧
若能發求無上智
若爲食起嫉妬心
用功無量乃得成
無物能將此定來
諸法體性常寂然
若能心住於寂定

得是三昧則不難
終不墮在聲聞地
剋獲諸佛無量德
爲說佛慧以示之
得是三昧則不難
當觀食已無有淨
若深觀此龍得定
必由淨戒之所起
凡夫無智不能會
是人一切常有佛

人尊恒見諸衆生
念佛相好及德行
心無迷惑與法合
智者住於此三昧
能見千億諸如來
若人心有迷惑者
於無量中無有量
一切世間無與比
諸智諸德皆相應
得如來身紫金色

常修如是寂滅定
能使諸根不亂動
得聞得智如大海
攝念行於經行所
亦值無量恒沙佛
於佛法中取限量
如來諸德不思議
何況而能有過者
於此不疑定成佛
一切端妙爲世親

緣於如是心安住
此緣佛相是有作
然後安住於無相
能得安住於法身
無有之相修習已
我今爲汝善說之
所謂覺知諸緣事
若有能生如是心
彼人能修如是念
若住若坐若經行

乃名得定之菩薩
能除一切有相想
乃能達於諸法空
知一切有而無有
然後觀佛非色身
彼彼趣於如是處
無量思量常不斷
念佛相好及智慧
一心趣向無退轉
於諸佛智無疑惑

得無疑已作是願
必當得見諸如來
於此三昧而起已
身口及意皆清淨
常修如是念佛相
若遇垂死最重疾
念佛三昧常不捨
彼人自解是法故
以住如是諸教門
得聞如是利益已

令我得佛三界尊
入佛法中能選擇
稽首禮於十方佛
讚歎諸佛常不斷
日夜恒見諸如來
痛惱逼迫極無聊
不令苦苦奪此心
則知一切諸法空
於菩薩行不厭惡
求於如來無等智

於後不生追悔心
 最上菩提難得故
 我今爲汝無量說
 汝於此法若不行
 如人雖持良妙藥
 於自身病不能治
 是故應當知選擇
 所謂求於勝三昧
 戒聞布施常修習
 得是三昧則不難

月燈三昧經卷之一

音釋

蹶則到切 棧房滑切 穌孫徂切 欸許勿切 嗟音達

輕疾也 抽居切

金釐子元凱捐貲三兩七錢八分六厘刻 月燈三昧經第 一卷計六千三百十字爲亦兼以釋資冥福 乙酉五月日

月燈三昧經卷之二

高齊天竺三藏法師那連提黎耶舍譯

爾時世尊告月光童子言過去久遠無量無邊不可
 思議過阿僧祇劫爾時有佛號曰聲德如來應供正
 遍知明行足善逝世間解無上士調御丈夫天人師
 佛世尊出現於世童子爾時聲德如來應正遍知於
 初會衆集有八億聲聞皆阿羅漢諸漏已盡逮得已
 利盡諸有結依於正教心善解脫能到一切心自在
 斲第二會集有七億衆第三會集有六億衆一切亦
 是大阿羅漢諸漏已盡逮得已利盡諸有結依於正

教心善解脫能到一切心自在岍童子爾時彼佛壽
四萬歲時閻浮提安隱豐樂人民熾盛普遍克滿童
子時閻浮提有二大王一名堅固力二名大力此二
大王一一統領半閻浮提二王境土安隱豐樂人民
熾盛普遍克滿時聲德如來在大力王國出現於世
童子是時大力王請聲德如來及比丘僧滿足千年
以一切隨順清淨無過衣服飲食卧具湯藥而爲供
養童子彼聲德如來及聲聞僧多饒利養供敬讚歎
時有淨信長者諸婆羅門於聲德如來及聲聞僧所
發勇猛意學大力王而設供養謂以世財爲勝供養

彼人不知行供養也云何行供養所謂受持五戒八
戒出家詣佛親觀請問見深法忍童子時聲德如來
作如是念是諸衆生志意下劣不能受持五戒八戒
出家詣佛親觀請問見深法忍修於梵行寂靜遠離
受具足戒得比丘分及以受行究竟善根如是寂滅
樂具無上妙樂悉皆遠離但以世財而供養我是諸
衆生但希小樂謂爲至樂是諸衆生但重現法及後
世法不能愛重究竟善根云何名重現法調樂五欲
二云何名重後世善根調樂生天云何名爲究竟善根
謂究竟清淨究竟吉祥究竟梵行究竟窮盡究竟最

後究竟涅槃我今說如是法今此衆生於其檀行不
爲究竟最勝供養但以無上行而供養我童子爾時
聲德如來欲覺悟彼大力王及諸長者婆羅門等而
說偈言

若人行於財食施	彼此不名相尊敬
如是所行不可歎	諸佛智者已遠離
若說無我智慧者	如是勝人應奉事
彼於聖諦信不動	恭敬是者佛所歎
若人財食而奉施	但獲現近少利益
若能遠離如是施	是人成就出家人

若有能起無財心	又能顯示無財法
亦能淨信無財者	是人速成無上道
無有處於五欲中	於妻子等生愛著
凡愚恒在居家者	是人而能得漏盡
歡離五欲如火坑	能於妻子離愛染
怖畏居家求出離	獲勝菩提則不難
無有過去諸如來	及其現在未來者
常在居家住欲地	而能獲得勝妙道
棄捨王位如涕唾	住於遠離空閑處
斷除煩惱降諸魔	悟解離垢無爲道

若有恒沙世雄猛

千萬億歲而供養

有能厭患在家者

如是功德最爲上

非是飲食及衣服

諸妙華香及塗香

如是等事供養佛

能如出家奉行法

若有樂求菩提者

能利衆生厭世間

趣向空閑行七步

如是福報最爲上

童子時大力王聞聲德如來應正遍知說如是等出家修行義利名已復作是念如我解佛所說義者如來非說檀波羅蜜以爲究竟清淨究竟吉祥究竟梵行究竟窮盡究竟最後究竟涅槃彼大力王復作是

念非在家任能得無上修得無上修行義利而我今者遠離是行我今要當剃除鬚髮被服袈裟以家非家出家爲道童子時大力王與其眷屬八萬人俱前後圍遶往聲德佛所頂禮佛足右遶三匝退坐一面童子爾時聲德如來知大力王及其眷屬心所欲樂卽爲宣說一切諸法體性平等無戲論三昧分別顯示童子時大力王聞是三昧歡喜踊躍深心愛樂卽於聲德佛所棄捨王位正信出家剃除鬚髮服三法衣旣出家已於此三昧廣能聽受讀誦憶持分別其義修行相應以此善根於二億劫不墮惡道次第復

值二億諸佛彼佛法中常得出家一一佛所於此三昧聽受讀誦分別其義修行相應以此善根次第滿百億劫得成佛道號曰智勇如來應正遍知明行足善逝世間解無上士調御丈夫天人師佛世尊利益無量無邊衆生然後乃當入般涅槃童子汝當觀此三昧有是神力能令菩薩招感佛智童子彼大力王所將眷屬八萬人等聞是三昧歡喜踊躍心甚愛樂亦皆隨王正信出家剃除鬚髮被服法衣是出家輩聞此三昧讀誦受持分別解說修行相應以此善根於二億劫不墮惡道一一劫中值千萬佛於彼佛所常得出家既出家已聞此三昧讀誦受持應修行在以此善根於後滿百千劫各異世界得成佛道同號堅固勇健堪能如來應正遍知明行足善逝世間解無上士調御丈夫天人師佛世尊利益無量諸衆生已然後乃入無餘涅槃童子如是三昧有大威力能令菩薩招致阿耨多羅三藐三菩提爾時世尊欲重宣此義而說偈言

我念過去久遠世 不思議劫有佛出
能爲衆生作利益 號曰聲德大仙尊
初會衆集滿八億 悉是聲聞諸弟子

第二會集七億數

第三六億阿羅漢

一切漏盡無煩惱

諸神通力到彼所

其佛壽命四萬歲

國土世界甚嚴淨

時閻浮提有二王

號曰大力堅固力

是等二王所居土

一一各領半閻浮

佛出大力王國中

諸勝人天奉供養

其王於佛得淨信

恭敬供養滿千年

國人無量學是王

種種供養於如來

但以世財非法供

佛及聲聞悉豐足

爾時世尊作是念

我說是法令捨欲

必令彼王生厭離

於我法中而出家

彼時人尊說偈言

棄捨惡法是佛教

在家多過具諸苦

如法修行真供佛

時王聞說如是偈

獨趣空閑作是念

我今不能處家纏

而為最勝法供養

即捨王位如涕唾

并及八萬諸眷屬

一時具往到佛所

頭面作禮住尊前

佛知此等之樂欲

為說難見寂滅定

彼聞愛敬而悅樂

一切歡喜即出家

既出家已於此定

讀誦受持廣分別

童子是故菩薩摩訶薩愛樂足定若應當修習毘初	若能奉持佛法藏	既聞如是勝利益	利益無量百億眾	時彼往昔大力王	利益無量億眾生	是等於後得成佛	於彼佛法恒出家	是人以此諸善業	次第二億劫數中
是等遠成人中上	末世持經佛所讚	置菩提已入涅槃	久成佛道躡智勇	後入涅槃猶火滅	同躡堅固大精進	宣說如是勝三昧	得見百億諸如來	未曾墜墮三惡道	未曾墜墮三惡道

所行童子云何菩薩於此三昧最初所行童子若菩薩摩訶薩以大悲心為首若佛在世若佛滅後常勤供養所謂華鬘旃香塗香寶幢幡蓋音聲歌舞作娼妓樂衣服飲食病瘦醫藥以此善根悉以迴向如是三昧更不志求其餘諸法而供養佛不求妙色不求資財不為生天不求眷屬唯念是法是菩薩尚於法中不見有佛況於法外而見佛也是故童子是為真供養佛而亦不見有佛可得取我想不求果報是菩薩三輪清淨以華鬘旃香塗香寶幢幡蓋音聲歌舞作娼妓樂飲食衣服病瘦醫藥供養如來迴向阿

經
一
丁
世尊卽說偈言
禱多羅三藐三菩提以此善根得不思議功德不思議果報得是三昧速成阿耨多羅三藐三菩提爾時

若人香奉無邊智
於千萬劫離惡趣
千萬劫中行勝行
成佛獲得勝戒香
施香受香二俱無
則得柔軟勝順忍
爲他割身猶如錢
能得無量香果報
永無一切諸臭穢
供養百萬億如來
若後了知無衆生
若能起心如是施
若人增上修此忍
於千萬億恒沙劫

其心堅固不退轉
云何復名爲隨順
云何復名爲菩薩
以無我想無煩惱
是因緣故名爲忍
智者如法常修行
是故得名爲隨順
現作佛身說是言
不肯信受名不退
非此能證甘露道
云何而得名爲忍
云何得名不退轉
欣樂自性無我法
能知諸法悉盡滅
諸佛所學隨順學
知諸佛法無疑惑
若修行時有世魔
佛道難得作聲聞
覺悟惡見諸衆生
勸捨惡道住善趣

是故得名爲菩薩
以無我法令開悟
存有衆生壽命想
化作佛身到其所
卽語無我汝非佛
知已不與煩惱俱
見已寂滅行世間
隨卽爲其立名字
當知此字無所來
菩薩諸方不可求

忍者任於隨順道
乃至夢中不起念
若魔無量如恒沙
咸說身內有神我
以智了達諸法空
以戲論故言說有
譬如世人所生子
諸方推名不可得
爲立菩薩如是名
乃至實際求不得

如是知者名菩薩
菩薩終不起身見
悉斷惡見煩惱盡
所謂衆生及壽命
非彼外道所能知
於衣鉢中起愛捨
是則不知佛菩提
姦僞兇暴不攝歛
是則不知佛菩提
於佛法中無歸信

假使海中熾火然
菩薩得任初發心
不見有其生滅法
諸法體空猶如幻
若於飲食生貪著
及其掉戲輕躁者
多喜睡眠及懈怠
於諸佛所無淨信
毀破禁戒無慚愧
不敬同修梵行者

是則不知佛菩提
不毀淨戒具慚愧
於佛法中深愛樂
同梵行者能恭敬
是則能知勝菩提
念處以爲聖境界
喜悅而作牀臥具
以禪爲食定爲漿
是則能知佛菩提
無我忍爲經行處
以空林中行正念
七覺香華甚可樂
艱已得成無上道
菩薩體道所修行
非是餘人所行地
所謂聲聞及緣覺
唯有智者不貪樂
設我壽命及長遠
如恒河沙無量劫
說佛一毛德不盡

如來智慧無邊故
若聞如是大利益
無畏世尊之所說
速自教人持是定
無上菩提得不難

童子是故甚薩摩訶薩應善巧知入三法忍謂知彼
第一忍第二忍第三忍於是忍中應善巧知復於其
智亦善巧知何以故若甚薩摩訶薩於忍智中善巧
知者彼甚薩摩訶薩速得阿耨多羅三藐三菩提是
故童子甚薩摩訶薩若欲速求阿耨多羅三藐三菩
提者於此三忍法門應當受持持已爲他廣分別說
利益安樂無量衆生救濟世間利益安樂諸天及人

爾時世尊為彼月光童子即以偈句頌此入三忍法門

於諸眾生無違諍

口不宣說非益言

常能安住饒益法

是初說名為初忍

知一切法猶如幻

即於此相不取著

能於智中無增減

是故名為初勝忍

諸修多羅已修學

智與善說恒相應

於佛無量智不疑

是則名為初勝忍

若聞一切善說法

猶如佛說無有疑

能信一切諸佛法

是則名為初勝忍

於了義經常宣暢

如佛所說而演說

若說我人及眾生

即如方便為引接

種種外道諸異說

菩薩於彼心無擾

轉於彼人深悲愍

是名第二勝忍相

諸陀羅尼來現前

於總持門無疑惑

所說語言皆真實

是名第二勝忍相

假使四大相轉變

所謂地水火風等

於佛菩提永不退

是名第二勝忍相

世間所有諸工巧

菩薩悉能善修學

不見更有勝已者

是名第三勝忍相

奢摩他力得調伏
一切衆生莫能欺
所有言說常在定
三摩堅固到彼听
住於正定獲神通
智者神足勢無減
若修如是寂定時
不能知彼心分齊
假使世界諸衆生
是人悉能具領受

毘婆舍那山不動
是名第三勝忍相
行住坐臥恒三昧
是名第三勝忍相
於多佛刹徃說法
是名第三勝忍相
諸餘一切羣生類
是名第三勝忍相
一時作佛演說法
是名第三勝忍相

東西南北及四維
於諸方中悉見佛
悉能變現無量身
於無量刹徃說法
此佛世界諸閻浮
諸天及人咸識知
於諸佛法佛行處
智者悉能善修學
世界所有諸衆生
菩薩於彼欣悅者

上下四方亦如是
是名第三勝忍相
一切皆作真金色
是名第三勝忍相
一切皆觀菩薩形
是名第三勝忍相
導師所有諸威儀
是名第三勝忍相
悉來讚歎是菩薩
則於佛智未修學

世界所有諸衆生
於此若起瞋恨心
若得利養心不喜
其心安任猶如山
一名隨順音聲忍
三名修習無生忍
若於如是三勝忍
善逝見彼菩薩時
若有聞此授記
咸發無上菩提心
罵詈毀謗是菩薩
當知佛智未修學
於違失時無憂感
是名第三勝忍相
二名思惟隨順忍
學此三忍得菩提
菩薩其有能得者
卽授無上菩提記
不思議數億衆生
我要當作人中尊

聞說如是授記音
光明普照十方界
若於如是三勝忍
悉不復見有生
若於如是三勝忍
已老今老悉不見
菩薩了知種種法
是空亦復非生滅
若有衆生來恭敬
菩薩於彼無偏愛
卽時大地六種動
雨無量種勝妙華
其有菩薩能得者
於彼起滅亦復然
菩薩其有能得者
安任法中得如是
體性空寂猶如幻
以諸法體空寂故
禮拜尊重興供養
深達世間體性故

若有衆生來打罵
轉於其人起悲心
若加刀杖及瓦石
安住無我忍法中
菩薩了知種種法
若能安住是法中
有人手執利剛刀
心能忍受無恚恨
以刀屠膾肢節時
汝若未得菩提處
菩薩於彼無嫌慢
爲欲令其解脫故
其心於彼無忿怒
菩薩不畏起瞋覆
體性空寂猶如幻
爲諸人天所供養
割截一身肢節
悲憐增廣初不壞
菩薩即便生是念
願我莫證於涅槃

如是忍力最無上
是諸菩薩大名稱
復過是數如恒沙
於爾時修佛行
不可思議億劫說
於無我忍善安住
若欲能知菩提者
若修諸佛所說忍
爾時佛告月亮童子
言於過去廣大久遠
無量無數不可思議
過阿僧祇劫爾時有
佛名無所有起如來
於無我忍安住故
無量那由劫修習
猶未能得證菩提
況復覺智何可說
彼諸無所無窮盡
是大名稱諸菩薩
要當住於妙智聚
得勝菩提則不難

應正遍知明行足善逝世間解無上士調御丈夫天人師佛世尊出現於世云何名爲無所有起如來應正遍知童子是佛生時上昇虛空高七多羅樹行於七步而作是言一切諸法悉無所有一切諸法悉無所有其音遍滿三千大千世界是時地神展轉相告至于梵天而作是言是世界中有佛出世號曰無所有起如來應正遍知其初生時於虛空中行於七步而作是言一切諸法悉無所有童子以是因緣其佛號曰無所有起彼佛成正覺時所有樹木叢林藥草皆出聲音一切諸法悉無所有童子時彼世界所出

諸聲皆亦說言一切諸法悉無所有童子爾時無所有起如來所說法時有一王子名思惟大悲形貌端正人所愛樂心行調柔童子爾時王子詣無所有起如來所頂禮佛足右遶三匝退坐一面爾時無所有起如來知彼思惟大悲王子深心所樂卽爲說是一切諸法體性平等無戲論三昧王子聞已得淨信心以家非家出家爲道剃除鬚髮被服袈裟旣出家已於此三昧讀誦受持廣爲他人分別顯示以此善根於二十劫不墮惡道一一劫中值二億佛過二十劫已得成佛道號曰善思義如來應正遍知明行足善

逝世間解無上士調御丈夫天人師佛世尊出現於
世童子汝當觀此三昧有是威力能令菩薩招致阿
耨多羅三藐三菩提童子菩薩摩訶薩當安任深忍
法中云何菩薩摩訶薩能安任深忍童子菩薩摩訶
薩應當如實觀一切法猶如幻化如夢如野馬如響
如光影如水中月如虛空性應如是知童子菩薩摩
訶薩若如實觀一切法如幻化如夢如野馬如響如
光影如水中月如虛空性者是名菩薩摩訶薩安任
深忍若成就深忍菩薩於染法不染瞋法不瞋癡法
不癡何以故是菩薩不見於法亦無所得不見染者

不見染事不見染業不見瞋者不見瞋事不見瞋業
不見癡者不見癡事不見癡業菩薩摩訶薩於如是
法悉無所見亦無所得謂若染若瞋若癡是菩薩以
無所見故卽無所染無瞋無癡是菩薩如實無染無
瞋無癡無顛倒心故得名爲定名無戲論名到彼岸
名爲陸地名到安隱名到無畏名爲清涼名爲持戒
名爲智者名爲慧者名爲福德名爲神足名爲憶念
名爲持者名點慧者名爲去者名慚愧者名信義者
名頭陀功德者名不著女色者名無染著者名應供
者名漏盡者名無煩惱自在者名心解脫者名慧解

脫者名調伏者名曰大龍名所作已辦名更無所作
名捨重擔名逮得已利名盡諸有結名依正教心善
解脫名到一切心自在所名爲沙門名婆羅門名沐
浴者名已渡者名明了者名爲聞者名爲佛子名爲
釋子名除棘刺者名渡坑塹者名拔毒箭者名無熱
者名無塵埃者名爲比丘無覆纏者名爲丈夫名善
丈夫名勝丈夫名大丈夫名師子丈夫名大龍丈夫
名牛王丈夫名善調丈夫名勇健丈夫名荷負丈夫
名精進丈夫名兜丈夫名如華丈夫名蓮華丈夫名
分陀利丈夫名調御丈夫名月丈夫名日丈夫名作

業丈夫名兩足中上名盡智邊名多聞中勝名已修
梵行名所作究竟名一切惡不染爾時世尊說偈頌
曰

劫盡災壞時	世界蕩然空	如前後亦爾
喻諸法亦然	觀世間起作	悉住於水上
如下上亦爾	諸法亦復然	如虛空無雲
忽然起陰暄	知從何所出	諸法亦復然
如來涅槃後	思想觀佛形	如初後亦爾
諸法亦復然	猶如水聚沫	暴流之所漂
觀之無堅實	諸法亦復然	如天雨水上

各各有泡起 隨生尋散滅 諸法亦復然
 譬如春日中 暉光所焚炙 陽焰狀如水
 諸法亦復然 如濕芭蕉樹 人拆求其堅
 內外不得實 諸法亦復然 如幻作多身
 謂男女象馬 是相非真實 諸法亦復然
 譬如女童女 夜卧夢產子 生欣死憂感
 諸法亦復然 如人夢行淫 寤已無所見
 愚愛終不得 諸法亦復然 如淨虛空月
 影現於清池 非月形入水 諸法亦復然
 如人自好喜 執鏡照其面 鏡像不可得

諸法亦復然 見野馬如水 愚者欲趣飲
 無實可救渴 諸法亦復然 如人在山谷
 歌哭言笑響 聞聲不可得 諸法亦復然
 如楊教諸國 善惡由之行 非言教至彼
 諸法亦復然 如人飲酒醉 見地悉廻轉
 其實未曾動 諸法亦復然 緣起法無有
 無有更不有 分別有無者 是則苦不滅
 於有無分別 淨不淨諍論 遠離是二邊
 智者任中道 觀彼先際身 於身無身想
 若能如是知 卽是無爲性 眼耳鼻無限

舌身意亦然 於根分局者 聖道則無用
於諸根無限 體頑空無記 欲希涅槃樂
應修聖道業 演說四念處 愚謂身證慢
身證則無慢 能離諸慢故 演說於四禪
愚謂得禪行 滅惑人無慢 慧觀斷慢故
演說四真諦 愚者謂見諦 見實則無慢
世尊如是說 雖廣讀衆經 恃多聞毀禁
多聞非能救 破戒地獄苦 自恃持戒慢
而不學多聞 持戒報盡已 還復受諸苦
多聞與持戒 二俱不自恃 恃慢薄福人

由是起衆苦 慢爲衆苦本 諸導師所說
有慢苦增長 離之則苦滅 雖修世三昧
而不離我想 其過還復起 猶如優埵迦
若修彼無我 於中生欣樂 是涅槃樂因
非惑世間法 如破衆賊圍 爲命欲逃避
無足不能走 便爲賊所殺 如是癡冥禁
欲出離世間 無戒不堪去 爲老病死殺
如壯執刀賊 劫掠害諸方 煩惱亦如是
害衆生善根 多人說陰空 不知陰無我
若問陰有無 響聲暝對言 若知陰無我

聞罵心不瞋 有感繫屬魔 悟空無忿怒
 如人患身痛 多年苦逼惱 是病經時久
 求醫欲苦療 是人數推訪 便遇得良師
 醫懇授好藥 汝服則令差 是人得妙藥
 不服病不愈 非是醫藥咎 當知病者過
 於此法出家 讀誦道品教 行修不相應
 何能得解脫 諸法體性空 佛子觀是事
 一切有悉空 外道空少分 智不與愚競
 勇猛應捨離 若罵不念報 愚法汝勿嫌
 智不愚往返 善知其性習 雖復共相親

後必成怨嫉 智不與愚密 知其志不堅
 體性自破壞 凡愚則無友 若聞如法語
 毀戒者不欣 無因起瞋覆 當知是愚人
 愚者與愚合 如糞與糞和 智智同一處
 猶二醜酬合 不觀世間過 因果不信入
 於佛語無信 在世被離壞 貧窮無財物
 不活求出家 我法出家已 衣鉢極怪著
 彼近惡知識 毀破我禁戒 不自觀已行
 其心無安住 晝夜任非宜 作惡無有歇
 身心恒放逸 口常說麤鄙 恒伺他愆過

竟便向人說 自覆已瑕疵 深是愚癡相
 愚者貪嗜食 不能知節量 因佛得飲食
 都無反報心 得上妙甘膳 不應於其法
 反為食所害 如象食泥藕 種種上味饌
 智者雖食之 根寂靜無貪 如法揀擇餐
 雖有聰智人 慰愚問從來 於彼無親戀
 但起悲愍心 智者恒利愚 愚反為衰損
 我見是過已 獨處空如鹿 智者見是過
 不與愚共俱 若與往來者 失天況菩提
 智者恒任悲 任慈與喜合 常捨一切有

修定證菩提 悟道除憂怖 見人老死逼

於彼起悲愍 發言合真義 若人知佛法

離言說聖諦 若聞是法者 得離食聖愛

童子以是義故欲得成就堅固行菩薩應如是學何
 以故童子堅固行菩薩得阿耨多羅三藐三菩提則
 為不難何況此三昧也爾時月光童子白佛言希有
 世尊如來應正遍知善能說此堅固之行為入此三
 昧法善說善建立一切菩薩所學乃是一切如來行
 處尚非聲聞辟支佛地何況外道世尊我今當住是
 堅固行何以故我欲如佛所學我今欲學我欲知彼

阿耨多羅三藐三菩提故我欲破壞於魔波旬及其眷屬我欲脫一切衆生苦唯願如來及比丘僧并諸眷屬明受我請爲悲愍我故如來爾時及比丘僧默然許受月光童子明日請食爲護彼故爾時月光童子既家如來許受供已歡喜踊躍深自慶幸卽從座起徧袒右肩頂禮佛足右遶三匝辭退而去爾時月光童子向王舍城還至家中到已卽於其夜嚴辦種種無量無數勝味飲食於王舍大城一切諸處悉懸繒綵散種種華豎幢幡蓋燒衆名香施諸帳幕掃治街巷除却瓦礫於四衢道灑令清淨散梅檀末雜寶

遍布復散種種華種種寶華間錯其地猶如彩畫又以無量種種莊嚴雕飾城巷其城一切周遍已有優鉢羅華拘物陀華鉢頭摩華芬陀利華於其家內純以牛頭梅檀用塗其宅以種種莊嚴張諸寶帳爲佛世尊設上味食是時童子作如是等莊嚴城郭街巷舍宅辦諸供具一夜之中悉備足已至明清旦與八十那由他菩薩阿逸多菩薩以爲上首其名曰觀世音菩薩大勢至菩薩香象菩薩寶幢菩薩難勝菩薩文殊師利童子菩薩勇健軍菩薩妙臂菩薩寶華菩薩不虛現菩薩如是等菩薩摩訶薩於餘菩薩而爲

上首與如是等大菩薩衆前後圍遶出王舍大城往
 如來所更整衣服頭面作禮右遶三市白佛言世尊
 食時既至所設已辦願垂臨顧入王舍城至我室內
 哀受我供爾時世尊於中前時著衣持鉢與大比丘
 滿百千萬億那由他衆俱無量百千億那由他天龍
 夜叉乾闥婆阿脩羅迦樓羅緊那羅摩睺羅伽等無
 量百千而設供養恭敬讚歎佛大威力佛大神足佛
 大變現佛大威儀放百千萬億那由他光作百千種
 妓樂雨種種天華爲受月光童子供故入王舍城佛
 以久集無量善根以右十輻輪足躡城門闢時現種

種神變未曾有事諸佛如來若入城時法皆如是現
 其神變汝今善聽當爲汝說佛入城時所有神聽說
 偈頌曰

大仙入王城	輪足躡門闢	威力動大地
衆生咸歡喜	諸之飲食者	遠離飢渴患
其身皆飽滿	由佛履闢故	聾盲瘖瘂輩
貧窮薄福等	諸根悉令具	由佛履闢故
閻羅界餓鬼	食膿嚼屎尿	悉得天味食
由佛履闢故	諸山及寶山	種種林華果
曲躬悉廻向	由佛履闢故	大海城邑聚

地皆六種動 不逼惱衆生 由佛履闍故

人天鳩槃等 歡喜住空中 爲佛持寶蓋

發大菩提心 諸音樂不擊 自然出妙聲

衆人皆歡喜 由佛履闍故 百千萬億樹

向佛貝華果 無量天住空 所說非人供

百千諸神王 獸王師子吼 象馬悉歸禮

由佛履闍故 國中諸大王 見十力世尊

導師勝妙色 歡喜而頂禮 餘人心喜讚

或散諸妙華 合十指爪掌 稱佛爲大悲

或散諸瓔珞 金瓊璫臂印 或散師子條

發大菩提心 女人奉金鬘 又女散面華

或解金瓔珞 乳面手嚴具 或有散金華

及諸嚴身具 雖捨無一心 希求諸佛道

城人布妙衣 或復散頂珠 及散衆寶網

佛至城門故 若人病苦逼 種種憂箭射

一切咸具樂 導師威德故 拘翅羅鸚鵡

孔雀頻伽等 諸鳥住空中 出和雅妙音

衆鳥心歡喜 出是妙音時 能滅修行者

貪瞋癡煩惱 無量億衆生 聞聲得願忍

爲聖授彼記 未來咸作佛 見佛十力身

諸天宮悉空	見佛金色	十力功德故	馨流甚可樂	道路無穢汗	出地千葉淨	餘光悉不現	普眼入城故	佛一一毛孔	衆生樂佛智
皆共來觀佛	起大悲愍意	具種種華香	巷陌甚嚴麗	純以香泥塗	十力尊蹈上	佛入城門故	障蔽於日月	放百千種光	我云何得此
在空兩眾華	淨心歸牟尼	百千惡夜叉	除去諸瓦礫	遍城燒妙香	與眾遊城巷	百千蓮華敷	摩尼寶天火	遍照諸佛刹	佛知欲授記

佛入勝城故	觀佛十力尊	右有百千梵	恭敬三界尊	百千眾聞者	猶滿虛空星	如淨摩尼寶	佛照刹亦然	足履地如畫	佛入勝城故
若人以散華	心歡喜踊躍	左帝釋亦然	時佛現變已	發大菩提心	佛處王御路	離垢無瑕穢	諸天眾圍遶	來入月光宅	於人天師所
天人脩羅等	未曾有歎足	無數天在空	開示勝妙法	相好華為身	如淨空圓月	十方放光明	人尊入王城	城郭悉莊嚴	

優鉢羅華等	勝衣自莊嚴	或復散繒絲	散佛爲菩提	或巷城却敵	我明亦請佛	我等何時得	吐香而說法	佛在道行時	百千億幢幡
復散妙金華	以繒絲諸華	發勝純至心	或勝瞻波鬘	勝妙自莊嚴	憐愍救濟者	法王勝供養	觀佛身生樂	發廣悲愍心	梅檀塗其地
種種摩尼寶	散大比丘衆	或在安心淨	婆師目多伽	辦具諸華瓔	久遠難值遇	無量人發心	得喜不思議	口出無量光	散華而莊嚴

兜率焰摩衆	皆來觀世尊	其梵輔天子	及無量光天	無量淨天子	悉來瞻仰尊	密身及廣果	善現善見天	佛入城門時	或散梅檀末
三十三天王	他化天歡喜	并及梵衆天	光音天子等	淨天子無數	悉來觀大仙	百那由他衆	阿迦尼離欲	多人發道心	現諸希有事
四方四天王	化樂天善心	定藏大梵等	咸共來觀佛	及諸少淨天	其少光天子	如摩尼光耀	一切來觀佛	無煩熱見諦	不可稱計數

財主毘樓勒	惡眼提賴吒	故來禮敬佛
大力夜叉王	及眷屬淨心	并親族在空
雨諸天妙華	恒醉持鬘天	執種種華鬘
并眷屬心喜	供養勝丈夫	百器足夜叉
并妻及眷屬	自擊美音樂	供養於如來
喜悅耽美歌	謂緊那羅王	居在香山頂
踊躍悉來集	婆稚睽婆利	羅睺毘摩質
并餘大威德	而雨諸寶物	過無量羅刹
多衆而圍遶	各持諸妙華	恭敬而散佛
阿耨大龍王	女善學音樂	擊百種妙聲

誠心供養佛	禱龍五百子	求廣菩提智
與親屬圍遶	咸供無上尊	阿波羅龍王
向佛而合掌	持龍勝真珠	在空供養佛
目真陀龍王	踊躍悉歡喜	散諸妙寶衣
淨心而供養	彼起勝敬心	念佛種種德
諸親屬圍遶	皆來讚歎佛	難陀跋難陀
德叉黑瞿曇	與眷屬詣佛	屈膝禮善逝
伊羅鉢龍王	百眷屬跏泣	憶念迦葉佛
歡惡此受生	我昔懷疑惑	壞小伊蘭葉
是故生難處	不能知佛法	深歎此蛇身

願速捨龍起 能知清涼法 道場所得者

餘多千龍王 海龍摩那斯 持上妙龍衣

來奉人中尊 調達擲佛石 夜叉任空接

其名金毘羅 恭敬在佛前 阿吒夜叉城

空天大夜叉 誠約悉令集 供養大仙尊

灰毛針夜叉 阿吒婆可畏 雪山婆多山

驢夜叉歸佛 種種異類身 被服甚可畏

多那由他鬼 持吉物奉佛 食海金翅鳥

變形婆羅門 寶冠自莊嚴 住空而禮佛

閻浮所有城 一切大林天 與城神俱來

供養世間解 無量林天至 并諸樹神等

及一切河神 集詣法王所 山嶺巖嶺神

堆阜天亦至 泉池沼神等 共海神喜到

天人脩羅鬼 迦樓鳩槃等 餓鬼富單那

悉來供養佛 諸天修羅眾 離慢咸供養

見佛入王城 觀之無厭足 過修菩薩行

供養佛世尊 彼作是淨業 眾生觀無厭

須彌輪山等 及閻浮諸山 不能為障蔽

諸佛照剎光 此娑婆諸海 土地悉平正

佛剎普皆遍 散眾華悉滿 百千種光明

法王足下放 地獄盡清涼 除苦獲安樂

十力爲說法 天人得眼淨 無量百千衆

於佛道決定 無等等入城 現作是神變

無量百千劫 佛說尚難盡 如是勝德聚

牛王渡彼岸 一切德究竟 頂禮佛福田

爾時世尊與諸比丘前後圍遶往請月光童子住處

坐所敷座諸比丘僧次第而坐爾時月光童子知佛

菩薩比丘坐已自手齋持多種美食所謂佉禪尼蒲

禪尼黎呵那諸沙尼等又持漿飲以百味食克足如

來及以大衆既克足已歡喜踊躍深自慶遇佛及大

衆飯食訖已却鉢盂手以萬億價值衣奉上如來比

丘衆隨上中下次第各以上中下三衣次第施之爾

時月光童子於佛及僧施衣物已偏袒右肩右膝著

地合掌作禮住於佛前默念說偈而問世尊

菩薩智者行何行 常能解知諸法性

云何能入所作業 唯願導師爲我說

云何能得於宿命 云何不復處胞胎

云何能得不壞衆 何故而得無量辯

無上定慧兩足尊 知我所問願記說

知諸衆生心所行 於一切法無有疑

佛知一切法體性
 如師子吼摧野干
 知諸衆生之所行
 無礙智慧淨境界
 知於過去未來世
 三世無礙智堪能
 一切三世諸佛法
 於法體性善覺悟
 能離一切諸法過
 翦除一切癡穢結
 離言語法以言說
 佛降異道亦如是
 通達諸法到彼岸
 唯願法王爲我說
 及今現在亦悉了
 是故我問釋師子
 法王世尊悉能知
 是故我問大智海
 已能斷於心穢故
 願佛爲說菩提行

而佛所得諸法相
 我聞如是法相已
 衆生行相多差別
 願爲我說入行法
 一切諸法各差別
 菩薩云何能現證
 於一切法到彼岸
 已自無疑除他疑
 如所得相爲我說
 依所聞相行菩提
 我作何行能解入
 我得聞已則能知
 其體空寂性遠離
 願爲我說說法母
 言說法句已修學
 爲我顯示佛菩提

月燈三昧經卷之二
 音釋

月燈三昧經卷之三

涕唾他計切鼻許致切膾古外切溼七豔切

也暗於詩切之也瘵力弟切閻苦本切

切音儵緣以切綫也睽失冉切齋持也佉丘加切

金璽于元凱招贊五兩七錢六分六厘刻
月燈三昧經第二卷計九千六百三十一字為
亦善府君資字善福
乙酉六月

卷之三
非齊開

月燈三昧經卷之三

高齊天竺三藏法師那連提黎耶舍譯

爾時世尊知月光童子心所默念而作偈問告月光
童子言若菩薩與一法相應皆悉能獲最勝功德速
成阿耨多羅三藐三菩提何謂一法童子若菩薩於
一切法體性如實了知童子云何於一切法體性如
實了知所謂一切法遠離於名離於音聲離於語言
離於文字離於生滅因相緣相攀緣相所謂無相遠
離於相非心遠離於心而知諸法爾時世尊即說偈
言

經

卷之三

諸法但說一 所謂法無相 是智者所說
如實而了知 若說如是法 菩薩了知者
彼得無礙辯 說億修多羅 導師所加護
顯示於實際 不分別假名 曾有無所說
以一知一切 以一切知一 雖有種種說
而不起於慢 其心能了知 一切法無名
隨順學諸名 而演說真實 諸所聞音聲
了知其聲本 了知聲本已 不爲聲所染
知音聲本際 諸法相亦然 若能解一法
不復處胞胎 一切法無生 能了此無生

知生說生者 則能知宿命 若得於宿命
能知所作業 若常知作業 得堅固眷屬
若於是空法 菩薩能解了 無有不知者
此非煩惱際 於非煩惱際 凡愚妄分別
是故於億劫 數流轉生死 不能知妄想
猶如大道師 彼不作惡業 又不墮惡道
是諸凡夫等 不能知此義 便起誹謗心
如是滅苦法 諸法不可得 非無諸法想
若能如是知 彼想亦不見 我知如是想
凡夫妄分別 於離分別法 智者不迷惑

此為智者地 非是愚境界 是菩薩所行
 謂空無分別 此是菩薩地 佛子之所行
 佛法妙莊嚴 謂說寂滅空 是諸菩薩等
 斷除諸有習 不為色所壞 安住於佛性
 一切法無住 以無住處故 若能如是知
 得菩提不難 修施戒聞忍 習近善知識
 若能知是業 速證菩提道
 是人常為諸天敬 乾闥夜叉摩睺等
 龍鬼羅刹緊那羅 是等常來供菩薩
 恒為諸佛所稱歎 與諸世間興利益

智慧相續樂寂滅 勝妙菩薩悲愍身
 若有菩薩能知空 利益無量億眾生
 柔和處眾演說法 聞者欣樂而愛敬
 廣大智慧轉增明 以是智慧能見佛
 亦觀莊嚴淨妙刹 聽受諸佛所說法
 知一切法如幻化 猶如虛空自性空
 能知體性是空無 能如是行無所染
 其有修行菩提行 於諸事中不生著
 知一切法如變化 而於諸刹示變化
 能為諸佛所作事 幻法體性無去來

隨前所求得利益
恒念一切如來息
能得光耀精妙身
其餘無量種利益
成就大不可動
具足福德甚端嚴
諸天覩威不面對
住於堅固菩提心
是人無復諸闇冥
離語言道無所欲

謂能安住菩提者
願紹佛種不斷絕
成就三十二種相
行勝菩提當能得
威德諸王無堪抗
福與功德威光耀
調行佛法智慧者
與諸衆生爲善友
顯示勝妙菩提道
諸法寂滅如虛空

其有能知如是業
演說百千修多羅
智者恒成無礙慧
常善知彼衆生信
爲人顯示因果理
具持力能無減少
恒憶念持不忘失
耳初不聞非愛語
口常宣說悅意言
念慧法智悉成就

成就無量勝辯才
能示彼法微細義
能知微細法體性
學習一切語言音
能獲如上勝妙事
入衆無畏梵行者
善能悟解法性故
恒常聽覽可樂音
是人善知法性故
其心清淨無穢濁

說百千經無滯著
字句差別已修學
名味意趣皆善解
夜叉羅刹天修羅
爲彼八部當愛敬
惡心神衆毘舍闍
其有持是寂定者
聞於智者廣大言
於彼菩提深愛樂
如是福報難可知

若有所演不虛設
善解千億諸語言
由悟法性有斯德
迦樓緊那摩睺荼
斯由悟解法性故
飲血食肉極毒害
是等常能作衛護
心喜勇悅身毛豎
能獲廣大難思福
於百千劫說不盡

護持善逝法寶藏
便爲已供一切佛
及住現在十方者
若人爲樂福德故
無量無數億諸佛
更有餘人樂福者
於彼劫盡惡世時
若有能聽一偈者
於此末代惡世時
是人便得最大利

無量無邊無限數
過去未來諸世尊
以能宣說寂定故
供養十力大悲者
時經大海諸沙數
於此勝義持一偈
如是福德最爲勝
是人便供一切佛
斯爲最勝上供養
堪受世間所奉敬

諸十力生最上子

於其長夜已供養

彼見我在耆闍山

我卽爲授菩提記

我已付囑彌勒尊

彼佛亦爲授記萌

是人復爲彌陀佛

爲說無量勝利益

或復徃詣安樂國

又欲樂見阿閼佛

無量無邊百千劫

是人墮諸惡道

於此菩提行勝行

成就無量諸快樂

無量功德勝利益

如是我今已宣說

若欲如我功德者

應末世中正持經

童子以是義故菩薩摩訶薩能如是知不可思議諸

法體性者得如是功德之利讚說如來眞實功德不
謗如來言非眞實何以故如來已得諸法爲世所知
是人如實知於彼法亦知無量如來功德能知如實
不可思議佛法何以故童子佛有無量無邊功德不
可思議遠離於心以是義故餘不能思不能稱量何
以故童子其心無性又無形色不可覩見童子如是
心體性卽是佛功德體性如是佛功德體性卽是一
切諸法體性以是義故童子若菩薩說一切法體性
一義如實知者各爲菩薩寂滅於心善解三界出離
善根如實了知如實知見如實說無有異說隨說而

行無所執著出過一切諸煩惱地過於欲界色界解脫無色界過於各地過於聲地善解離文字法善解分別字智善解離語言法知於文字善於文字善於字差別智廣知字智善解一切法差別智善於一切法廣差別智善分別一切處法智與不可思議佛法相應魔王波旬及諸魔民所不能壞說是法門時有八億那由他諸天人等得修無障法忍一切皆為諸佛授阿耨多羅三藐三菩提記過四百八十萬阿僧祇劫得阿耨多羅三藐三菩提種種名號國土差別壽命齊等爾時世尊而說偈言

若有智慧諸菩薩

趣向勝妙菩提道

善於法義諸言說

能行一切法體性

口常宣說真實語

稱佛實德而演說

能知一切諸佛法

於三界尊無有疑

一切諸法同一義

以修空故如實知

彼無種種別異相

於此一義已修學

無分別想分別想

衆生壽命我人想

盡與無盡如是想

斷此諸想悉無餘

不見如來有其色

以知諸法自性無

亦非諸相隨形好

以斷一切顛倒故

一切諸佛不思議
若人能得如是知
若有能知神我想
如是知於諸法已
是人無有諸障礙
克滿具足二種因
於真實處如實見
是人所有諸言論
智者出過於欲界
能於三界離染者

遠離於心體寂滅
真見無上兩足尊
於中發起勝智慧
彼便得名清淨眼
大智悟解出離道
無有一切諸願樂
無有一切非實語
隨順一切儀式法
超色無色煩惱地
行在世間利衆生

超過一切名字地
雖經久時演說法
遠離諸想及戲論
於其智慧善決定
若魔多億那由他
悉能映蔽是魔衆
棄捨一切諸魔業
若能深樂禪樂者
若說五陰是世間
既無其滅亦無生

及過音聲體性空
於彼言說無所依
斷除顛倒諸惡見
是人勇健行如空
爲亂彼意作是言
不從魔力自在攝
戒行清淨無熱惱
彼則能知世間空
已知彼法體空寂
一切諸法如虛空

寧當棄捨自身命
 於戒護持到彼岸
 遊行無量諸佛刹
 終不憚欲生天上
 是人捨勤精進
 於其十方諸佛所
 爾時月光童子身
 棄捨一切利養事
 若有欲得自然智
 應當學是勝三昧
 終不毀犯如來教
 隨其所願悉往生
 見多那由他億佛
 遠離一切諸願樂
 於少時間行法行
 善能讚詠而稱歎
 得聞如是寂滅定
 修行諸佛所歎法
 我爲一切世間上
 若如是學人天最

爾時世尊告月光童子言童子是菩薩摩訶薩於是
 顯說三昧智應善修習爲人顯示童子云何顯示所
 謂於一切法起平等心無有彼此無有分別無無分
 別無造無起無生無滅一切妄想分別憶想起想皆
 悉斷除心所攀緣意所思作及諸假名皆亦斷除亦
 斷一切諸惡覺觀於陰界入無有自性斷貪瞋癡謂
 念慧解脫慚愧堅固修行儀式所應行處謂空閑地
 智慧地絕於去來一切菩薩所學一切如來行處一
 切功德成就童子是謂顯說如三昧若能顯說如
 是三昧便不離諸定其心不失一切三昧無有迷惑

起大悲心利益無量無邊衆生爾時世尊卽於是時而說偈言

平等非險地 微寂難可見 斷除一切想

故名爲三昧 非妄想分別 離見不可取

其心不可得 是名爲三昧 止住如實定

不取一切法 如實不取故 故說寂滅定

法無少塵許 亦無少可得 無少可得故

故名爲三昧 有得無得者 此名爲妄想

於法離分別 故名爲三昧 以聲故說義

是聲事非有 猶如響呼聲 又亦如虛空

衆生無所任 任處不可得 得與不得音

自性不可得 若去若墮落 去道不可得

去與不去音 於道如是知 存有定是取

存無定亦然 無著行菩提 證聖道亦爾

離險平等地 是定慧無相 佛子修習此

善修定相應 非文字所能 入是深義趣

捨諸語言事 得定無所取 得此定菩薩

如說相應任 設火焚世界 於中不被燒

無量劫火起 如空本不然 若知法如空

是人火不燒 若燒佛刹時 在定作是願

滅彼火無餘 人及地不毀 彼神足無邊
遊空無罣礙 隨學定而住 菩薩獲是德
若生還退沒 無起亦無滅 若能如是知
得此定不難 世間有生滅 如來之所說
若能知此定 當知是世親 於世間不染
世法不能礙 身若無礙者 能往諸佛刹
常見於淨土 及見世導師 彼得聞正法
在諸刹演說 彼不起無知 而說法性時
能通達諸法 如隨於法性 於億劫演說
辯才而不斷 能變作多身 其餘諸菩薩

變化諸菩薩 往遊諸佛刹 千葉蓮華上
踟躕而安坐 顯示佛菩提 總持修多羅
并餘億諸經 修習寂定故 唯除不退轉
餘不思議人 莫能盡其辯 顯示佛菩提
乘重閣而去 種種寶嚴飾 布散諸妙華
氛馥甚可樂 散布諸末香 并燒勝妙香
或散無量寶 爲於菩提故 菩薩救濟者
如是無量德 斷除諸煩惱 獲得勝神足
不起於煩惱 清淨甚光耀 無爲不可壞
是菩薩境界 寂靜深寂靜 離惱無煩惱

超過於戲論 樂無戲論法 文字無能入
 諸法無相故 智知唯音聲 是故名定者
 無盡勝寂滅 無功用不見 一切佛境界
 實際無家宅 從諸佛修學 一切法自性
 學是佛功德 到功德彼岸 非此亦非彼
 本際無分別 是故一切佛 到功德彼岸
 於未來不去 已知法性故 無功用戲論
 到功德彼岸

爾時月光童子白佛言希有世尊如來應供正遍知
 快能善說一切諸法體性平等此說一切諸法體性
 平等菩薩所學若菩薩於所說三昧能修學者速得
 阿耨多羅三藐三菩提世尊我復樂說如來我復樂
 說善逝我欲少有所說佛言童子樂說便說爾時月
 光童子在於佛前合十指爪掌向佛任立稱佛實德
 說偈讚曰

見生為老病死逼 貪瞋癡等常迷惑
 佛本為發菩提心 願成正覺解眾縛
 善哉無量劫修行 住檀調柔護諸過
 持戒忍辱勤精進 善修禪定及智慧
 以無憍望棄王位 妻子寶貨悉能捨

頭目手足及壽命
禁戒皎然淨無垢
善能禁制身口意
安任智鑄忍力中
以慈血變流出乳
成就於力任十力
佛以慈愍於世間
已知一切法體空
悟道契會性無我
遠離煩惱及放逸

其心初無有疲厭
棄捨身命常護持
歸命善逝調心者
設使劍身無忿怒
歸命如來甚奇特
以無量智擇諸法
救濟利益諸異趣
見諸世間悉虛妄
知彼解脫無所脫
降伏魔力及軍衆

知道無垢無礙智
假使虛空星宿落
虛空無爲性變異
見於苦惱諸衆生
爲彼顯示離取著
不可思議無數劫
修學一切無著已
佛所修學一切法
此非愚癡凡夫地
心常安任於我想

說寂無礙清淨法
地海城邑悉壞滅
如來終無一實語
安任取著分別中
所謂甚深寂滅空
大雄勇猛久已學
是故佛無諸過失
如所得法爲他說
又非一切諸外道
是名過失諸凡夫

若能善知無我法
大雄所出真實語
安住如是實法已
過去曾修真實行
獲得真實妙果報
具足所行真實行
如是所修真實行
其智最勝無倫匹
究竟到於勝智慧
能與衆生作親友

無有一切諸過失
恒常安住於實法
復能演說於實意
乃能稱述於本願
是以能說真實語
善能學於真實際
歸命人尊大智慧
智慧具足甚光明
歸命智慧言說者
久遠修習慈悲心

善能安住而不動
天人所師備廣德
善逝甚深勝智慧
如是無畏師子吼
降伏一切諸外道
大雄善能降不調
能令成就爲善友
見彼苦惱諸衆生
爲其演暢無我法
不學愚癡凡夫人

不動猶如須彌山
教戒大衆羣生類
處衆無畏而震吼
如師子王威雄猛
猶如師子摧野干
所調復能善調御
安住堅固而不壞
最極依止於我見
無有貪愛及不愛
依止險難不善徑

爲彼顯示真實道
 若有取著我想者
 以其不解無我法
 不可思議劫數中
 修學遠離取著已
 演說離過諸法句
 善說真實微妙語
 無量那由百十億
 愛樂無上最聖法
 如來善美歡喜語

所謂趣向涅槃路
 彼即住於極苦惱
 謂能滅除苦惱處
 大智久已曾修學
 是故無有諸過惡
 世尊遠離於諸過
 口能解脫百種畏
 天龍夜叉任虛空
 聞者靡不合真義
 溫潤合時稱悅意

和合無量微妙音
 伎樂音聲百千種
 悉是天中悅樂聲
 迦陵頻伽諸鳥衆
 能令他人人生欣樂
 擊發歡喜之音樂
 吹貝鼓笛琴篳篥
 緊那羅王歌舞音
 若得聞者咸歡喜
 拘翅鸚鵡舍利聲

憐愍解脫無數人
 一時奏擊相和合
 如來一音能映蔽
 同時共發微妙聲
 於佛音聲非少分
 善合一切諸管絃
 於佛音聲悉不現
 已曾善學百千樂
 於佛音聲悉不現
 孔雀哀鸞鴛鴦等

所有	一切美音鳥	於佛音聲悉不現
可愛悅樂美妙音	世間所有善歌詠	佛聲最勝殊過彼
悉來集聚同時發	三界所有羣生類	佛放一光悉映蔽
諸天夜叉修羅王	一切相好以嚴飾	光明顯照於十方
其中最勝上妙身	銅鈸笙簫美妙聲	百分不及佛一音
如來色身如華敷	夜叉所有美妙聲	
出生福果甚清淨		
磬鼓螺鼓篳篥音		
如是諸音相和合		
乾闥修羅摩睺等		

并及三界諸妙音	於佛百分不及一
梵天所有諸光明	及諸有頂天身光
世尊若放一光明	餘光百分不及一
身口意業皆清淨	布施淨故世不染
功德寶聚人中王	自然功德無等等
讚歎十力實語已	童子歡喜作是言
以我供養佛法王	願此福成釋迦文
佛知彼勝最淨行	善逝于時起微笑
彌勒觀笑而請問	唯願人尊說笑緣
其時大地六種動	天龍歡喜住虛空

欣悅瞻仰兩足尊
諸佛智慧所了知
今欲安誰最勝道
唯除慈悲牟尼尊
堪能授於法王位
我今善問世道師
已度智慧光明听
不可思議恒沙億
爲求勝妙菩提行
能捨自身手足等

請爲我說笑因緣
非佛弟子聲聞地
唯願憐愍爲我說
一切世間無堪者
願爲授於菩提記
釋迦牛王大威德
除斷貪瞋癡穢過
道師爾所劫修行
爲何因緣而現笑
妻子眷屬餘親愛

常能修行是勝行
象馬車乘及牛羊
不見所有諸珍物
其智最勝悉顯現
心信性欲已善知
誰曾供養人中尊
誰能受行佛所行
其地于時六種動
其華光耀具億葉
佛子處彼蓮華上

是故我問牟尼尊
奴婢摩尼真珠金
行菩提時而不捨
知諸衆生之所行
願說何緣而現笑
誰復今成廣大利
爲誰而能現此笑
億妙蓮華從地出
金色熾盛甚可愛
菩薩第一大神足

無量法師而雲集
擊鼓鳴鏡吹貝音
如是等輩諸音樂
拘翅頻伽鷲鸞等
俱時各出美妙音
誰徃行檀持禁戒
誰復供養人中尊
誰昔起大恭敬心
何因緣故得菩提
所有過去十力尊

是我作如是問
妓樂億數如恒沙
佛聲於中最殊妙
衆鳥一時而雲集
於佛音聲非其比
無量億劫而修習
牟尼爲誰而現笑
已曾請問兩足尊
而今便現是笑耶
及今現在未來世

天人導師悉了知
能知衆生心次第
又知衆生心所樂
修行無上最勝行
佛菩提道云何得
諸法微細難可見
修行十力之所行
若能善修慈悲心
常不起諸衆生想
所行境界難思議

是我問人中塔
於其神足而不減
是故我問牟尼師
因相應法已善學
是故我問兩足尊
空寂難稱不思議
是以我問世大師
於不思議衆生所
是故我問兩足尊
於其邊底不可得

已能度於心境界
布施持戒已究竟
遠離一切諸過惡
舍利目連居律多
非是彼等所行地
於一切法到彼听
導師起發大悲愍
過去無量僧祇劫
得爲救世之親尊
夜叉羅刹龍槃荼

是故我問兩足尊
智者明淨了三世
爲何義故現是笑
及諸如來餘弟子
唯佛境界最無上
諸有所學已究竟
宣暢微妙第一音
亦曾問於如是義
今既證果爲我說
瞻仰兩足最勝尊

一切恭敬合掌住
多菩薩衆悉雲集
如來心生最長子
世尊導師非無緣
微妙語言鼓音聲
香象菩薩東方來
那由菩薩衆圍遶
又復安樂妙世界
那由菩薩衆圍遶
過去無量億佛所

咸疑世尊何緣笑
具足神通多億刹
一切恭敬而合掌
最勝丈夫而現笑
以何因緣而現笑
從彼阿闍佛世界
爲問釋迦故來此
觀音菩薩大勢至
來問兩足釋師子
供養無邊諸如來

猶如大海中沙數
一切諸佛所嗟歎
十方世界悉聞知
遊行那由他佛刹
佛子功德已善學
根器最勝餘更無
能持一切佛法藏
世尊導師非無緣
微妙鼓音願演說
拘翅鵞鴿鷺孔雀

爲行無上勝菩提
於菩薩德已究竟
文殊師利任合掌
如是勝徒難可見
一切合掌恭敬任
如是調伏柔輒者
願爲宣說和潤語
最勝丈夫而現笑
以何因緣而現笑
雷霆牛王聲震吼

願出天樂美妙音
善集慈悲離諸過
顯真實義離文字
決定空寂知諸有
能壞一切外道智
諸佛修行百千行
百千諸天咸讚歎
夜叉羅刹等淨心
口常宣說無滯礙
所有諸佛滅度者

唯願演說增樂語
智慧現前斷愚癡
於百千劫已修持
顯示苦滅諸句義
空無衆生及壽命
百千種福而莊嚴
百千諸梵亦復然
摩睺金翅龍欣喜
淨妙果業之所起
及今現在未來世

一切了知無障礙
 從諸功德之所生
 大海大地及諸山
 一切咸皆六種動
 諸天修羅龍摩睺
 散諸上妙勝香華
 斷除貪瞋及昏慢
 尸羅心意悉清淨
 寂靜音聲稱無想
 大聖如是師子吼
 具足辯才廣名稱
 於眼於法善平等
 世間無等亦無過
 唯願大悲說笑義
 拘翅頻伽及孔雀
 命命等鳥妙音聲
 一時其發甚可愛
 於佛少音非爲譬
 大鼓金鈺及諸聲
 螺貝簫筑琴箏篪

千種音樂俱時作
 於佛少音非爲譬
 諸天千種美音樂
 及諸天女妙歌聲
 衆集相和生人愛
 於佛少音非爲譬
 救世導師以一音
 隨信種種發異解
 一切皆謂佛爲已
 願大沙門說笑緣
 諸天及龍妙音聲
 迦樓乾闥毘舍闍
 是等不能滅煩惱
 唯佛音聲能斷除
 雖復起愛心無染
 行慈便能離瞋過
 能生智慧離愚癡
 能如是者離諸垢
 佛音不出於衆外
 能斷百種諸所疑

於其音聲無高下
 假使三千界散壞
 日月可令墜落地
 語言清淨六十種
 如來梵言願為說
 一切三有羣生類
 過去現在及未來
 所有如來大悲者
 如來淨月圓滿面
 爾時世尊卽於是時以其偈頌答彌勒菩薩摩訶薩

牟尼妙聲寂平等
 大海一念盡枯涸
 世雄終無不實語
 吼音深美無所畏
 寂靜何緣而現笑
 悉能了知彼所行
 人尊願為說笑緣
 於諸力中得究竟
 終非無緣而現笑

曰

如是月光童子者
 如是讚歎如來已
 昔日於此王舍城
 於彼佛所常請問
 修行菩提道行時
 常能具足無礙辯
 彼人未代可怖時
 一切時中住梵行
 若欲求是勝三昧

讚歎如來愛無比
 後還為世所稱美
 已曾覩見多億佛
 如是勝妙寂滅定
 於一切世為我子
 恒常安住於梵行
 唯是彌勒所證知
 能廣分別是三昧
 稱道所行則能得

經

卷之三

三

三

無量億佛所攝受
我任智中故記說
末代世時無障礙
知於千億諸如來
又復過彼恒沙數
諸天及龍有八億
未來供養兩足尊
得聞如是授記已
月光踊身七多樹
嗚呼佛說最無上

供養最勝大導師
於此月光勝妙行
於其梵行及壽命
如觀掌中菴羅果
能於未來修供養
夜又衆有七千億
是等悉能相佐助
歡喜愛樂而克滿
任空發於希有言
安任解脫智神通

安任決定勝智故
遠離二邊論解脫
於三界中智無礙
一切戲論而不染
善修於道無所依
又於三界無所依
愛縛枝蔓悉捨離
悟解非有自體性
於其顛倒無智者
佛今爲現妙法藏

一切異論莫能壞
觀察於事不著事
悉無一切諸戲論
諸見覺觀悉斷除
不爲他壞不違他
斷除諸結所行淨
諸有相續皆盡滅
離言說法悉了知
如師子吼摧野干
我今獲得妙寶聚

斷除一切諸惡趣
百福金色莊嚴手
對於天人大衆前
我念過去修行時
時有比丘甚聰獻
我作王子名點慧
時彼賢施爲我師
五百良醫無減少
彼悉不能除我病
是時大師聞我患
我今得佛定無疑
願此寶掌摩我頂
唯願人尊灌我頂
於師子幢佛法中
名曰賢施爲法師
身遇病苦甚困篤
柔輒淳直備儒德
咸皆盡來爲我治
親戚眷屬懷憂惱
便至我所而慰問

賢時卽生悲愍心
我得聞此三昧已
了知諸法體性故
比丘行於菩提行
我昔點慧王子時
以是因緣故童子
能忍罵詈毀辱等
末世比丘有無量
堅著衣鉢樂爲惡
嫉妬輕躁縱諸根
而爲我說是三昧
不顧財寶心愛樂
其時病苦卽除愈
得成佛道踰然燈
以此三昧除苦惱
我憶是事今付汝
受持讀誦如是定
放逸毀禁多慳恪
於是三昧起誹謗
止任俗家爲貪利

常依出入息利活
 舒手展足奢縱誕
 伴黨掉臂隨路行
 如是不應儀式人
 於彼色聲常愛著
 心常貪嗜於美食
 販賣貿易恒窺利
 廣貯積聚飲食已
 專事墾植及耕田
 受他教命傳書信

是等當誦此三昧
 趨步言笑自顧影
 若人聚落現異相
 晝夜繫心在童女
 遊行村邑現是儀
 戲笑歌舞及音樂
 喜樂飲譙及乘騎
 命終墜墮三惡道
 保翫自已所任處
 棄捨禁戒及威儀

親近白衣違佛教
 常作佛不讚歎業
 造作如是諸惡行
 多饒財寶珠金貝
 不能安住淨戒聚
 牛馬雄雌相孚乳
 何為出家除鬚髮
 我於過去行菩提
 為求如是寂滅定
 行非梵行喜妄語

毀破禁戒住惡道
 所謂斗秤諸欺誑
 以此惡行墮惡道
 棄捨親愛而出家
 還為販肆作鄙業
 唯恃財穀為勝想
 而不護戒及儀式
 於千劫中修苦行
 愚人聞之生嗤笑
 常貪利養趣惡道

披梵行服爲標幟
彼此遞互相破壞
各欲共相求短失
百千人中難得一
朋黨鬪諍無量人
咸自稱歎是菩薩
若得虛名自欣慶
我曾不聞亦不見
誹謗此法無欣慕
爲不活故多出家

毀戒謗定言非法
不能應法求利養
命終墮於三惡趣
謂能任於忍辱者
棄捨忍辱恒忿競
欲望聲流遍諸國
尚無善行何況道
無有淨行欲樂者
而能獲得菩提道
不求一切佛菩提

愚人安住我見中
彼此更互恒諍論
自稱已是說他非
成就淨戒諸功德
調伏柔軟淳善者
若有當來起惡心
喜樂鬪諍行非法
我今善相勸告汝
於此如來所說教
於極貪愛及重瞋

聞說無我便驚怖
我慢自舉相忿懣
常行不善妄歡喜
安住慈心行忍辱
是等善人爲彼欺
極甚抵突爲不善
是等爾時得供養
汝當於我生淨信
彼惡人輩勿親近
多愚癡人憎慢者

無慙無愧心不調
汝於彼速起忍力
我今所說無量德
比丘於此不安任
非但口言得菩提
要須堅固行者得

月燈三昧經卷之三

音釋

抗口浪切記勃必列切記勃調受將來成鑛古
切敵也銅鐵劍烏尤切鑿居勞切鑿符分鏡尼交
摸也鵠鵠權俱切鵠俞玉鉦諸盈切輦馳迷切筑六
切似鵠鵠權俱切鵠俞玉鉦諸盈切輦馳迷切筑六
筆者獻深明也點下八切窺缺規切醺伊甸切貯
積呂切墾耕也啞抽知切幟昌志切欬欬也憊憊音

也機莫結
切輕易也

金檀于元剽捐費四兩六錢一分七厘刻
月燈三昧經第三卷計七千六百九十五字為
亦菴府君資冥福
乙酉七月 日



月燈三昧經卷之四

高齊天竺三藏法師那連提黎耶舍譯

爾時婆伽婆在大眾中示教利喜已即從座起出王舍城詣耑闍崛山敷座而坐諸比丘眾及諸天龍夜叉乾闥婆阿修羅迦樓羅緊那羅摩睺羅伽前後圍遶爾時月光童子八百億人若天龍八部諸鬼神等及餘世界十那由他諸菩薩眾持諸寶鬘塗香末香衣服旛華種種音樂建立幢蓋懸諸繒幡出王舍城向耑闍崛山詣如來所頭面禮足遶無量而以已所持華香衣服寶蓋幢旛擊諸音樂設大供養設供養

已曲躬恭敬爲問法故却坐一面爾時月光童子作如是言我於如來應供正遍知欲有所問惟願聽許爾時世尊告童子言如來應正遍知隨汝所欲恣汝問之汝所問者則能利益無量衆生吾當爲汝分別解說令汝心喜爾時月光童子既蒙聽許卽白佛言菩薩摩訶薩成就幾法能得如是一切諸法體性平等無戲論三昧爾時佛告月光童子言菩薩摩訶薩成就四法能得如是一切諸法體性平等無戲論三昧何等爲四一者善學柔軟同任安隱到調伏地能忍毀辱見法除慢是爲初法菩薩若能成就如是便能得是一切諸法體性平等無戲論三昧復次童子菩薩摩訶薩成就善戒清淨戒第一善清淨戒不濁戒不缺戒不穿戒不雜戒無定色戒自在戒不可訶戒不退落戒無所依戒無所取戒無所得戒聖所讚戒智所讚戒童子是爲第二菩薩具足是法能得一切諸法體性平等無戲論三昧復次童子菩薩摩訶薩深怖三界起驚畏心厭離三界起不染心不著三界起遍惱心爲脫三界苦衆生故起大悲心起向阿耨多羅三藐三菩提發大精進心童子是爲第三菩薩成就如是能得一切諸法體性平等無戲論三昧

復次童子菩薩摩訶薩求於多聞無有歇足爲重於
法不求財利爲重於智不求名聞隨聞受持爲他廣
說顯示其義以悲愍故不爲親屬菩薩復作是念云
何能令前聽法衆生於無上菩提速得不退轉是爲
第四菩薩成就如是能得一切諸法平等無戲論三
昧童子當知此三昧法門無量諸佛之所演說無量
諸佛之所讚歎無量諸佛之所咨嗟無量諸佛之所
顯示無量諸佛之所修習爾時世尊而說偈言

我念不思那由劫 有佛號曰音聲身
彼音聲身如來尊 在世壽命六千歲

彼佛次前復有佛	號智自在世所愛
彼智自在正遍知	壽命一萬二千歲
彼佛次前有佛號	威德自在大勢力
彼威德佛人中尊	壽命七萬六千歲
彼佛次前復有佛	號大自在自然智
彼大自在天人師	壽命滿足千萬歲
彼佛次前復有佛	其佛號曰梵聲師
彼梵聲佛兩足尊	壽命滿足一億歲
彼佛次前復有佛	號衆自在毘勝離
彼佛自在無比尊	壽命滿足六億歲

彼佛次前復有佛

其佛號曰聲自在

彼聲自在婆伽婆

壽命滿足千萬歲

彼佛次前復有佛

號曰身上為世燈

彼聲上佛世導師

壽命一萬四千歲

彼佛次前復有佛

號滿月面普名稱

彼滿月面普名稱

住世壽命一日夜

彼佛次前復有佛

其佛號曰日面滿

彼日面佛無比尊

壽命一萬八千歲

彼佛次前復有佛

其佛號曰梵面親

彼梵面親兩足尊

壽命二萬三千歲

彼佛次前復有佛

其佛號曰梵婆數

彼梵婆數天人師

壽命一萬八千歲

如是等佛同一劫

其數二百世導師

汝聽我今說佛名

皆是三界世間親

無毀身佛普音佛

遍威德佛遍聲佛

聲供養佛名聲佛

聲身勇佛聲身佛

智起智知善聽佛

智光映蔽智等起

智炎聚佛智勇佛

梵上梵命梵善佛

善梵天佛勝梵聲

梵音梵天梵施佛

威力威王善威佛

威德自在起威佛

威德眼佛善勝佛	怖上怖慧善可怖
可怖面佛怖起佛	可怖怖上見實佛
善眼月上勝導師	深遠音佛無邊音
淨音自在淨音佛	無量音佛善現聲
魔力音壞善眼佛	善眼淨面淨眼佛
無量眼佛普眼佛	善普眼佛勝眼佛
眼映菽佛不毀佛	調伏上佛調伏佛
善調心佛善調佛	寂根寂意寂上佛
寂德極寂到定岍	寂心無上如來尊
任邊寂佛善調心	善調寂根定意佛

寂上寂德熾盛佛	度寂彼岍定勇佛
衆因陀羅王衆佛	衆自在佛映菽衆
衆勝淨智大衆王	衆主勇健大衆佛
衆勝解脫正遍知	見法法幢法起佛
法體性起法力佛	法佛妙法勇健佛
自性法起決定佛	如此自性法起佛
合有八億皆同歸	是佛出於第二劫
斯等如來我曾供	自性法起決定佛
若有得聞其名者	聞已受持淨業人
速能獲得是三昧	我今所說牟尼王

彼佛次後有餘佛
 佛號善勝音王佛
 壽命七萬六千歲
 有羅漢眾三十億
 具大威德四神足
 不為八法之所染
 其數合有萬萬億
 於諸法空學究竟
 展轉教化過恒沙
 還復住於本世界

不可思議無數劫
 彼善勝王如來尊
 是如來尊初會時
 六通三明根調伏
 住最後身諸漏盡
 爾時復有菩薩眾
 得六神通具辯才
 以神通力遊億刹
 問諸如來所行道
 博通一切修多羅

遊於世間作燈明
 為利眾生遊諸國
 不為欲故造諸惡
 於諸有中無所依
 住於空寂行頭陀
 能於三界無所著
 於義決定獲辯才
 佛子一聞悉究竟
 於無量劫修行滿
 演說解脫道句義

是謂佛子大神力
 遠離醜穢行梵行
 常為諸天所喜樂
 於空閑處常乞食
 多聞巧言大福德
 樂於禪定無所畏
 於詞句義已善學
 攝護一切諸善業
 常為諸佛之所讚
 持戒清淨無穢汗

如華處水無所著
 不為世法之所染
 少欲知足具威德
 亦住三明殊勝道
 自安於法為他說
 委付一切佛法藏
 以寂靜心常修定
 說千億種修多羅
 遠離一切世間教
 無量各種德如海

於三界中常起厭
 其心清淨業善淨
 安住當來聖德中
 要在修行非口言
 為諸如來善攝受
 於三界中起怖畏
 常為諸佛所加護
 若說億種修多羅
 信於空寂說深義
 童子我於無量劫

常讚歎彼無餘間
 猶如大海水一滴
 說此寂滅最勝定
 諸天及人悉克滿
 爾時大地六種動
 安住不退菩提道
 號功德力大威神
 顏貌端正甚瓌麗
 悉是王宮內眷屬
 今有一千四百億

我今但說其少分
 彼時善勝音王佛
 是時三千大千界
 彼佛說此寂定時
 天人眾數如恒沙
 有王最上人中尊
 具足有於五百子
 有妙夫人數八億
 彼功德王所生女
 是王八月十五日

方欲善受八戒齋
 俱時往億如來所
 卽於佛前坐一面
 卽便爲說勝三昧
 棄捨王位如決唾
 於彼佛所而出家
 及諸女等皆出家
 七十六萬那由他
 安住勇猛常精進
 於經行時便命終

其於八億那由人
 稽首無上兩足尊
 如來知彼心所樂
 是王聞斯三昧已
 并捨一切所親愛
 夫人後宮調順子
 後宮眷屬及親衆
 彼王妻子出家者
 經行不住滿八年
 此大龍王命終已

還生本處王宮中
 是時如來猶在世
 其母號曰大智慧
 勝音王佛任世不
 曾爲我說勝三昧
 於諸有中惟說一
 出千萬億修多羅
 今佛猶說三昧不
 能修最勝八聖道
 了知諸法入真諦

忽然化生無胎染
 其父號曰堅固力
 其王生已白父母
 時彼勝音王如來
 非是因緣非無緣
 一切諸法體性印
 是諸菩薩無上財
 說法不壞於因果
 如來智慧見世間
 身業口業皆清淨

佛猶說是三昧不	發言美好常含笑	佛猶說是三昧耶	見諸佛已起深樂	是佛猶說三昧耶	遠解文字差別智	是佛猶說三昧耶	遠離一切諸入相	是佛猶說三昧耶	意業清淨知見淨
恭敬尊長無憊倦	見諸衆生先語慰	不起嗔怒恒調善	得於聖趣柔輒直	知諸音聲得欣喜	能過一切取著事	無礙辯財入寂智	證於無生寂滅忍	能知諸陰界平等	出過一切諸攀緣

佛今猶說三昧耶	自識宿命離諸疑	法王猶說三昧耶	遠離犯戒知持犯	法王猶說三昧耶	遠離煩惱調伏地	法王猶說三昧不	於空閑離邪念	住於空閑離邪念	禮拜供養恒瞻視
出生深利勝智慧	其心敬法聞總持	出過一切諸有生	及離一切諸親愛	常能修進諸勝行	能斷凡夫語言道	於陰善巧智神通	憶念諸地不忘失	於諸白法常無歡	其身清淨具白法

信樂不動如山王
 世親猶說三昧不
 於惡法中恒遠離
 如來猶說是法不
 於諸禪定已窮盡
 說法牟尼猶在不
 無量智慧平等智
 牟尼王說是勝法
 不著三界無所依
 是佛說是勝菩提

得總持門不退轉
 常求一切白淨法
 心不遊入煩惱朋
 諸學究竟得自在
 智慧能令性欣喜
 勝智增長知生智
 知於諸趣隨生智
 信心出家捨俗地
 制伏其心令欣喜
 於諸法中無執著

常能攝受一切法
 最勝世尊說是法
 滅於一切諸諍論
 兩足牟尼說是法
 於諸問答能善巧
 大悲世尊說是法
 能知三世佛法性
 自然世尊說是法
 常能安身於聖地
 人中牛王說是法

於諸業果信不動
 戒律持犯果報智
 能說非違非諍地
 受於忍辱無瞋怒
 知諸法句差別智
 知於過去未來際
 知於三世分段智
 常能係心於一處
 於諸威儀常不改
 有慚有愧自莊嚴

知於世間應時語
 無上世親說是法
 亦常厭離惡不善
 牟尼王尊說是法
 於尊供養恒恭敬
 如來說是勝妙法
 自能測量知分齊
 如是勝人說是法
 決定能知諸言辭
 法王如來說是法

一切常舒布施手
 常能攝心有慙愧
 隨順頭陀常分衛
 常懷慚愧恒欣喜
 遠離憍慢修禮拜
 策下劣心令其安
 遠離無知諸障礙
 能入心智語言智
 遠離一切無利事
 常得親近善知識

遠離一切不善者
 牟尼說是無上法
 常厭一切世間苦
 牟尼說是最勝法
 不得恭敬心放捨
 是世間師說是法
 不與俗流相交遊
 自然智者說是法
 於佛所行常安住
 如是法母佛所說

常得信佛不放逸
 知世假名但言說
 於利得失無憂喜
 若得恭敬心不高
 得稱實歎心不喜
 常捨一切諸惡道
 於出家眾亦不參
 勇者遠離非行處
 威儀具足心善調
 常遠一切凡愚法

亦遠一切汙家法
 是法大智之所說
 於他人處能輒語
 大智慧日之教法
 慎勿委信凡夫法
 是為如來善勝教
 若見破戒起悲救
 如是勝法如來教
 及捨一切諸財物
 如來大聖所說教

常護一切諸佛法
 少言美妙善相應
 如法降伏諸怨敵
 知時節量諸飲食
 若遇苦緣心不感
 若見貧人令得財
 以悲愍心為開曉
 常以法攝諸眾生
 於諸八法無貯畜
 讚歎持戒訶破戒

堅持淨戒不詐偽
 此是如來最勝教
 隨所言說悉能行
 如是如來最勝教
 亦恒安住於正見
 如是如來最勝教
 善巧方便棄捨相
 是為如來無上教
 實諦句義善修學
 是為如來最勝教

不積資財能棄捨
 深心啟請諸師長
 常能親近諸法師
 心常愛樂恒恭敬
 於諸善業能決定
 造諸善行為上首
 遠離於想及事相
 於修多羅能解知
 證解脫智常善巧
 發言出於楷正語

心境相稱辭決定

有所宣說無有疑

是為如來最勝教

常應修習諸法空

安住戒力無所畏

遊行一切寂定處

是為如來最勝教

不求親愛及利養

其心無有諂諛曲

遠離一切諸惡見

是為如來最勝教

於陀羅尼得勝辯

智慧照明廣無邊

說法不斷辯才淨

是為如來最勝教

於四法門久修習

能入於行最賢善

於此佛教奉修行

是為如來最勝教

於佛所說隨順忍

安住彼忍離諸過

遠離非智住於智

是為如來最勝教

以智住於方便地

修習菩薩善巧行

為善丈夫所修行

是為諸佛最勝教

常離不應方便者

如來說此為佛地

若與智知佛隨喜

是名如來最勝教

佛地廣大非二乘

凡愚無智生毀謗

智者諸佛所攝受

是名如來最勝教

如來善知此法門

諸天恭敬所供養

千億梵眾恒隨喜

如來猶說三昧不

無量千龍恒禮拜

緊那金翅常讚歎
 如來猶說三昧不
 是善勝法之資財
 如來猶說三昧不
 能出億妙修多羅
 如來猶說三昧不
 不為四暴之所漂
 是以說此三昧不
 及讚入中大牛王
 正由得是三昧故

菩提樹下所得者
 常為智人所求者
 非為財施無上樂
 智慧府藏辯無盡
 善知三界如實智
 說於船棧度彼岬
 令名聞鬘不增長
 讚歎十種最勝力
 菩薩功德勝無盡
 說於慈心除瞋恚

行大悲人大喜捨
 正由說此勝三昧
 此是佛智勝阿含
 如是三昧佛所說
 求菩提者之園苑
 謂是佛說勝所定
 是一切法自性印
 導師所說勝三昧
 在怨讎中而不見
 導師說是勝三昧

於大乘者得蘇息
 為師子吼說勝行
 一切諸法體性印
 能招一切種智智
 此能破壞魔軍眾
 能生正覺之功德
 無生寂滅妙法印
 於住法者作明術
 如法降伏諸魔官
 顯示無礙辯才地

諸力解脫及諸根
 由斯三昧得是法
 諸佛勝智之本因
 憐愍救護世間故
 求解脫者所欲樂
 為諸佛子之所愛
 智慧菩薩起救心
 應修如是寂滅定
 如來為示解脫門
 應當勤修是三昧

最勝十八不共法
 求十力者之實法
 佛大丈夫所說法
 最勝佛子所攝受
 聞是寂靜難見定
 諸佛滿足智慧處
 其心清靜無煩惱
 身業清淨口亦淨
 無有雜穢愛欲縛
 不生貪愛瞋恚地

速能獲得大智慧
 是故應修寂滅定
 求三昧者必剋獲
 應當修習是三昧
 神足能見諸佛德
 應修如是勝寂定
 亦能加持見多佛
 修是三昧得不難
 遠離一切文字故
 曾不聞定故不知

能起於明滅無明
 求解脫者令得滿
 離譏毀譽如來眼
 遊行通力多佛刹
 陀羅尼門得不難
 加持念根得菩提
 以微細智說無生
 不應法者難覺悟
 不以音聲能了解
 智慧菩薩已解了

如法王說而能知
 但為救度世間故
 堅固護念恒不失
 佛猶說是三昧不
 亦說一切諸有生
 佛猶說是三昧不
 八十億千那由他
 不退轉於勝菩提
 是佛世尊今猶在
 汝於何處聞是法

寂滅無毀能測量
 勇猛精進能善持
 盡苦智慧及滅智
 演說一切法無生
 諸佛妙如來智最
 是法童子所顯示
 得勝隨順音聲忍
 堅固力王報子言
 王問童子如是言
 子言聽我刹利王

我曾見於十億佛
 具足諮問此寂定
 常得了知宿命智
 正由修此三昧力
 聞已深信而修習
 必證菩提無有疑
 若有人來問於我
 要必成於無上道
 自知決定必成佛
 不知何時得菩提

於一劫中悉供養
 已於九十四劫中
 從此不生胞胎中
 於彼佛所恒聽法
 我常堅固起此信
 受持讀誦三昧時
 乃至夢中無疑網
 我從得於無貪愛
 亦常如是起欲樂
 為學受持勝三昧

若有比丘教我者
亦如恭敬於諸佛
修行菩提願忍時
卑形恭敬而供養
慙愧謙下生恭敬
福德後世名增長
我時安住於少事
能知善業趣善道
於彼聞於不愛語
凡作業者無失壞

我於彼人生恭敬
我於彼人教一偈
好心瞻仰如善師
老少中年比丘所
恭敬於彼得現稱
於相違諍不欣樂
能知惡業趣惡道
不應法說放逸者
亦自思念已惡業
我時不瞋亦不慢

佛說忍力勤修行
修忍易得菩提道
亦令衆生住淨戒
由住淨戒人信受
亦自安住淨持戒
亦復教彼學菩提
亦復教彼住法義
於命終後見多佛
有佛號曰妙聲身
恒安忍力不傾動

諸佛恒常讚說忍
我本持戒恒清淨
恒常讚歎戒最上
恒常讚歎蘭若處
勸人修行八戒齋
勸人修習淨梵行
爲他顯示菩提道
我念過去世劫時
於彼佛前發弘誓
本作如是要誓時

歲經八億四千萬
 時魔譏毀來罵辱
 我心初無有變動
 爾時降伏魔官已
 知我慈忍堅固力
 以清淨心接足禮
 五百眾發菩提心
 我於往昔無慳吝
 恒常讚歎行布施
 大富豐財有譽聲
 於饑饉時為施主
 若有比丘持是定
 或能修習為他說
 卽自恒常供養彼
 作是心者令得佛
 我時有彼無上業
 見佛世尊人中上
 生生恒受具足戒
 得為比丘聰法師
 我常樂於頭陀行

亦住空寂蘭若林
 不為飲食故諂曲
 少分所得皆知足
 我一切時無嫉妬
 亦常不著於居家
 既不著家不憎妬
 欣樂蘭若無違失
 我時恒住於慈行
 設有毀罵不瞋恚
 以慈悲心善調柔
 名聞華鬘滿十方
 常習少欲而知足
 樂於苦行修蘭若
 亦恒分衛不厭倦
 要誓堅固而不動
 習行信心常清淨
 於如來所信增上
 良由信佛有勝利
 諸根不缺恒端正
 如佛所說卽能行

成就如是堅固行
 諸天供養喜勸請
 世間上德及餘德
 為求菩提道行者
 本於往昔常修行
 共汝相隨向佛所
 獲得具足五神通
 與梵天王多千萬
 與諸眷屬億萬眾
 頂禮接足任佛前

是堅固行有何利
 我所演說之功德
 其有智人應修學
 我今憶念難行行
 若今演說時節久
 彼大利智勝菩薩
 以神足力亦詣佛
 堅固力王心欣喜
 俱供徃詣如來尊
 佛時知王心樂欲

卽為王說此三昧
 棄捨王位而出家
 受持讀誦為他說
 得佛號曰蓮華上
 俱佛從王詣佛者
 欣喜踊躍亦出家
 受持讀誦為他說
 同一劫中悉成佛
 無量人天興供養
 度脫恒河沙數眾

是王聞說三昧已
 其出家已於此定
 後時過於六千劫
 王有眷屬六百億
 彼聞是如勝三昧
 其出家者於此定
 劫過六十那由他
 彌善調伏智上佛
 一一諸佛大名稱
 堅固力王我身是

修行勝妙善提行 昔時我子五百人
 是彼最後護法者 我於如是千億劫
 勇猛精進離懈怠 專心求此勝三昧
 正為無上菩提故 童子若有諸菩薩
 欲得如此勝定者 精進勇猛不顧命
 應當學我勤精進

月燈三昧經卷之四

金壇于元凱捐貲三兩二錢一分二厘婦
 月燈三昧經第四卷計五千五百二十字為亦
 菴府君資冥福
 乙酉八月 日

月燈三昧經卷之五

高齊天竺三藏法師那連提黎耶舍譯

佛復告月光童子言若菩薩摩訶薩於此三昧經典
 受持讀誦為他解說如說修行得四功德何者為四
 一者成就滿足福德二者不為怨家所壞三者成就
 無邊智慧四者成就無量辯才童子若有菩薩摩訶
 薩有能於此三昧經典受持讀誦繫念思惟廣為人
 說獲得如是四種功德爾時世尊而說偈言
 福德成就恒滿足 於一切時常不斷
 受持如是三昧故 得諸如來之境界

勇健功德所守護
修行如是勝寂定
彼無一切諸怨敵
智慧成就悉滿足
彼人成就無量智
無量無邊勝辯才
成就滿足福德聚
彼無一切諸怨敵
彼智廣大無有邊
其音美妙甚可樂

於一切時常成就
必獲無上勝菩提
常不爲怨之所害
於一切時恒不斷
亦復具足無邊慧
以持如是勝定故
亦成最妙菩薩行
以持寂滅勝定故
亦成無邊勝辯才
以說如是勝定故

善友智者所愛樂
諸人皆知是福藏
得勝利養妙衣服
顏貌端正甚可愛
多見諸佛世間親
無有一切諸障難
住於佛前而讚歎
於其智慧而不損
十方世尊在前坐
無垢鮮淨如金山

謂能宣說自義故
宣說如是勝定故
亦獲勝妙上甘饌
以持如是寂定故
以無等供供養佛
以持如是勝定故
喜心說妙多百偈
以說如是寂定故
相好莊嚴可愛身
以修如是勝定故

彼智曾無有損減
成就最勝大法藏
智慧廣大無有量
聞於如是深寂定
不生一切諸難處
如法治國常安隱
無量無邊億劫數
說其少分不能盡
是時童子甚欣悅
合十爪掌面向佛

多聞智慧亦豐足
以說如是三昧故
多百劫說而不盡
如佛所說安住故
如是佛子恒爲王
以持如是勝定故
十力說彼功德利
猶如大海一滴水
忽然從座整服起
生大欣喜而讚言

世尊大雄甚奇特
大牟尼尊說功德
大聖世雄爲我說
何人能於末代時
迦陵頻伽妙音聲
具足無量勝智慧
汝今諦聽我當說
若欲護持於法者
虔心供養一切佛
復應修習慈愍心

能爲世親作光明
顯示如是勝利益
願垂憐愍救護故
聽聞如是修多羅
深遠雷震悅樂聲
告月光童作是言
無上最勝微妙行
聽受如是三昧經
以清淨心求佛智
聽受如是修多羅

成就頭陀離過行
安住大勝上妙智
行於惡行諸衆生
如是諸惡比丘輩
勇猛修行諸梵行
常爲諸佛所加護
若人於諸無量佛
是人當生末世中
若人在於過去世
彼人聞是修多羅

修行寂靜功德林
聽受如是三昧經
及以毀破禁戒者
不能聞是三昧經
其心無有諸穢濁
此經當入彼人手
給侍恭敬修供養
此經墮在彼人手
於外道中行惡行
其心不喜起嫌惡

於佛法中得出家
以慳嫉妬而自纏
貪著他家起慳悋
專求利養破禁戒
往昔不植於善根
依止我見愚凡夫
於其世間禪定中
自謂羅漢食他供
所有一切閻浮處
若有毀謗佛菩提

不爲涅槃求活命
彼必誹謗佛經典
爲魔波旬所加護
於佛法中必不信
未得智慧起憍慢
亦於末世心無信
便謂已得果證想
彼必謗佛勝菩提
毀壞一切佛塔廟
其罪廣大於彼

若有殺害阿羅漢
若有誹謗修多羅
誰能於此起勇猛
正戒正法毀壞時
童子悲號而起立
我於今朝師子吼
我於如來滅度後
棄捨身命不憐惜
能忍愚夫語言道
罵詈輕毀及恐怖

其罪無量無邊際
其罪獲報多於彼
在於末代惡世中
顯說如是修多羅
又手合掌發是言
在於最勝法王前
在於末世惡世時
廣弘如是修多羅
不實誹謗極損辱
勇猛精進而忍受

除去一切諸惡業
內懷不生於瞋怒
淨妙闍浮金色手
如來發於和雅音
我今正當加護汝
不令汝有諸障難
更有餘者一時起
自言我於末世中
爾時多億夜叉龍
更有餘八那由他

於過去世所造者
必當安住佛法中
摩彼月光童子頂
月光童子大威德
在於末代後世時
命難梵行諸障礙
持法比丘八百人
必當護持是經典
卽時從座而起立
啓請世尊如是言

我今於此比丘所
在於惡世末代時
當說如是經典時
所有恒河沙數界
隨其所動諸世界
悉是釋迦所變化
一切所有諸佛刹
悉得聽聞是勝法
於此世界佛刹中
一切悉發菩提心

謂向從座而起者
我必擁護彼比丘
以佛神力加護故
無量佛刹悉震動
隨界應化作多佛
演說如是修多羅
不可思議億眾生
安住諸佛如來智
數有九億諸天眾
即於佛所散妙華

所有比丘比丘尼
其數七億六千萬
牟尼王尊授彼記
其數猶如恒河沙
供養恭敬彼諸佛
悉能於彼諸佛所
過於八億劫數中
彼佛德者於一劫
於其彌勒如來所
善持彼佛真妙法

優婆塞及優婆夷
悉得聞是修多羅
必當見彼兩足尊
皆得修習菩提行
為求如求智慧故
得聞如是妙經典
皆當得成如來尊
度脫眾生令安樂
施設無上勝供養
悉得往生安養國

彼離垢穢如來尊

其佛號曰阿彌陀

於彼廣設勝供養

爲求無上菩提故

於其七十阿僧祇

滿足如是劫數中

不墮一切諸惡趣

得聞如是勝經典

若有於後未來世

聽聞如是修多羅

聞已悲泣而淚落

我已供養於彼人

我今勸語汝一切

我前所有現在者

由此故得菩提道

是以付囑此經典

是以童子菩薩摩訶薩若欲樂求如是三昧不可思議諸佛所說之法應善巧知於不思議佛法應當諮

請應當深信不思議佛法應當善巧求於不思議佛法聞不思議佛法勿懷驚怖勿增怖畏勿恒怖畏爾時月光童子白佛言世尊云何菩薩於不思議佛法應善巧知云何於不思議佛法應求請問云何於不思議佛法深信清淨云何問不思議佛法不生驚怖不增怖畏不恒怖畏爾時有乾闥婆子名曰般遮尸棄其餘乾闥婆子五百同類俱持音樂種種樂器隨從佛後欲爲供養佛爾時般遮尸棄作如是念如我於帝釋憍尸迦及三十三天前所設供養今以此歌詠樂音供養如來天中之天應供正遍知爾時般遮

尸棄乾闥婆子共餘五百乾闥婆子皆各同時擊瑠璃琴出妙歌音爾時世尊作如是我念我以無作遊戲神力令彼月光童子於不思議佛法中得一心住復令般遮尸棄乾闥婆子等樂器歌音令現殊妙爾時以佛神力故令彼五百音樂善稱和雅發無欲音發順法音發應法音所謂應不思議佛法偈言

於一毛道現多佛 其數猶如恒河沙

佛刹國土亦復然 彼佛刹體空無相

於一毛端現五趣 所謂地獄諸畜生

及諸餓鬼天人等 皆悉清涼無逼窄

彼毛道處現海池 并諸河流及井泉

皆悉不逼復不窄 是謂佛法不思議

彼一毛頭現諸山 所迎婆羅及須彌

目真隣陀大目真 是曰佛法不思議

彼一毛頭現地獄 焦熱寒冰糞屎等

有諸眾生彼者 受於無量極苦惱

彼一毛頭現天宮 妙宮廣大十六旬

毛處諸天無量數 具受諸天極快樂

彼毛頭處佛出世 其中佛法極熾盛

彼無智者真能觀 如是宿業行不淨

毛頭處聞佛涅槃
 或時復聞法滅盡
 彼毛頭處或復聞
 佛今現在演說法
 或復有人於毛端
 謂已壽命無窮極
 或復毛處聞短命
 生已即滅不久停
 或復毛道作是想
 我得見佛設供養
 佛亦不出不供養
 直自想心而欣喜
 譬如有人於夢中
 耽著五欲受快樂
 覺已不見其欲事
 但以夢故妄見此
 所見所聞憶念法
 猶如夢想無真實
 若有得此三昧者
 悉能了知如是法

於其世間恒受樂
 謂愛無愛不貪著
 常能愛樂於山林
 恒受如此妙門樂
 若人無有諸取著
 遠離一切諸我所
 遊行世間猶犀牛
 如風行空無障礙
 修習於道起實智
 一切諸法空無我
 若有能修如是法
 彼人辯才無有邊
 此人恒受於快樂
 其心不著於世間
 其心猶如空中風
 於愛不愛無所取
 於不愛者難共任
 於親愛者難遠離
 棄捨如此二種明
 專求正法是人樂

若有聞聲貪愛起

是人必起於瞋怒

愚癡昏慢所纏縛

以慢力故得苦惱

若有能住於平等

善能謙下無憍慢

愛與不愛善得脫

彼能常住欣喜行

安住於戒善清淨

以無垢心樂禪定

恒常樂住山林中

是人永離諸疑網

若人懷惑有顛倒

愚癡恒樂於諸欲

猶如鷲鳥貪屍肉

是人必自隨魔力

說此偈時月光童子於不思議甚深佛法中得一心
安住堪能演說修多羅爾時般遮尸棄乾闥婆等得

隨順音聲忍無量無邊衆生發阿耨多羅三藐三菩提
心無量衆生於人天中得安樂利益爾時佛告月
光童子言菩薩摩訶薩於諸善根功德法利應善決
定應不多事應離惡知識應依善知識善知識所應
常諮問樂聞於法無有歇足應當欣喜常應求法常
攝於法應說正法應善巧諮問菩薩於菩薩所起於
師想於法師所應當尊重如已師想童子若有菩薩
能受行此法是人得不思議具足辯才得信深入不
可思議佛法之海於不思議甚深佛法心得決定於
人天中能作照明爾時世尊而說偈言

於過去世多億劫
爾時有佛兩足尊
彼時佛說此三昧
猶如泡沫及規電
衆生壽命不可得
所作之業無失壞
因果相應勝法門
文字句義不可得
積聚總持大智慧
那由他佛所行道

不可稱量不思議
歸因陀羅旛幢王
謂無衆生無壽命
諸法亦如水中月
於此界沒他世生
黑白業報亦不亡
微細難見佛境界
是妙菩提佛所說
億那由經從定出
如此三昧佛所說

善能滅壞諸病患
一切諸佛咸稱讚
於諸凡夫說實語
諸佛所讚勝戒財
過去無量億佛所
久遠遠離惡知識
彼有比丘是法師
聞於此法而隨順
彼因陀羅旛幢佛
比丘比丘第一難

集衆菩薩功德財
億那由天所供養
常遠一切外道法
如空中電難可執
智者修行於戒施
得於無上父資財
修行梵行慧日子
發於最上菩提心
告彼法師比丘言
於彼菩提發心難

護戒猶如摩尼珠
 於惡知識恒遠離
 往昔於此閻浮提
 於佛法中而出家
 得於四禪有神通
 地及虛空相悉知
 於寒林中安住時
 一切異鳥悉來歸
 爾時有王出遊獵
 時王恭敬而聽法

習近善友願菩提
 速得無上菩提果
 二不放逸長者子
 猶如犀牛依山林
 善諸偈論無所畏
 於空中行如鳥飛
 林華繁茂甚奇特
 二長者子共語言
 聞其語音至其所
 於彼法師深愛敬

時王共相慰問言
 其王具有多眷屬
 二中有一是法師
 諸佛出世甚難值
 壽命迅速不久停
 為老病死所纏逼
 唯願大王護正法
 於後惡世末代時
 如是無量聰慧者
 王及六億諸眷屬

發是語已在前坐
 從王行者滿六億
 見王告言善諦聽
 唯願大王勿放逸
 如山暴水激川滾
 無有能救如已業
 建立諸佛十力法
 應當住於如法朋
 以慈心故向王說
 咸發無上菩提心

時王聞是淨法句
善心踊躍而愛樂
時有無量餘比丘
王知彼衆行不端
過去導師法已盡
德器之人甚甚少
剛強慳慢諸比丘
於佛法中不正解
應當殺害彼法師
勸王及我修空斷

調柔寂滅妙語言
頭面禮敬而辭去
爲利養故入王宮
并於有德不恭敬
未來惡世增長時
多有無量放逸者
爲求利養著諸見
以諸非法向王說
本爲王說空斷者
都不示我真涅槃

於其業報悉散壞
若能殺害彼法師
爾時常有護王神
長夜護王令離惡
願王慎勿起是心
莫於聰慧法師所
大王可不憶念耶
於後末代惡世時
天爲彼王說實語
時王更有餘惡弟

誚者說於陰空無
必令大法得久住
是王過去善知識
彼天告王如是言
惡知識言甚可畏
用惡人言與殺害
林間比丘所說者
王應安住如法朋
於諸佛法莫捨離
在於邊方鎮國境

時惡比丘往教化
勸我昔來久修行
大王汝兄甚愚惡
有二比丘爲惡師
以我知故來至此
汝可速殺二呪師
王弟尋時被鉀仗
并及一切諸軍衆
依林所有龍夜叉
雨沙礫石大可畏

令殺法師說空斷
不欲令我求涅槃
都自不欲令汝活
以神通力遊空行
今悉具向大王說
必使及時勿後悔
順惡人言故往彼
詣彼林中比丘所
知彼王弟惡心來
王及軍衆悉摧滅

今當觀惡知識言
於法師所起恚心
時彼取著惡比丘
於後滿足十億生
彼天勸導彼王者
見於恒河沙數佛
是王眷屬滿六億
其所發於道心者
彼佛壽命多億歲
彼人悉修是三昧

摧滅如是大王衆
於十六生墮阿鼻
勸化如是刹利王
受於無量地獄苦
及於擁護於法師
觀佛供養及修行
皆其王去聽法者
各別世界得成佛
智慧無等不思議
說已皆當般涅槃

得聞如是勝妙智 能集尸羅功德法

勇猛精進不放逸 常遠一切惡知識

童子菩薩摩訶薩應不著於身能棄於命何以故童子若著身者作不善法是以菩薩應知色身及以法身何以故諸佛法身所攝非色身也佛以法身顯現非色身也童子是故菩薩摩訶薩欲行佛所行欲求如來身欲求如來智欲知如來身欲知如來智於此三昧經典應當受持讀誦為他廣說修習相應童子彼如來身無量福德之所出生如來說於一義所謂諸法從因生故是離諸相以甚深故法無限量無分

齊故法無有相無相性故法無有相離諸相故法無動搖善安住故法無有二唯一相故法不可見過眼境故法不可思過心地故法無動轉離戲論故法不可說過音聲故法無居處離窟宅故法無窟宅離言音故法無所依過諸見故法無諸漏過諸報故以心堅固離諸欲故以不壞心離諸瞋故以堅正智過諸癡故有所說諸法空故無有生斷諸生故以無常但言說故出離聲地寂滅於聲故有音聲以思想故同思想以和會故以世俗第一義諦故以清涼離熱惱故第一義諦以如實語故無執惱以涅槃故無有

壞無能勝故無取著滅戲論義故無戲論離攀緣故
無有邊際以說福故無有微塵說微細故次第大神
通本業出生故得自由自在力故無破壞以堅實故
無有邊際以名號無盡故廣大說大悲本業故是爲
如來身爾時世尊而說偈言

若有欲見世間親 及知佛身云何耶
於此三昧修習已 卽能知於如來身
佛從神德所出生 其身清淨甚光曜
其相等如虛空 種種差別不可得
諸佛菩提既如是 其相狀貌亦復然

其相狀貌不可得 如來身相亦如是
菩提相貌及以身 諸佛世界亦復爾
諸力諸禪諸解脫 如是悉同其一相
諸佛體性正如此 如來世親亦復然
無有能得見佛者 肉眼何能見正覺
無量多人作是說 我曾得見於諸佛
金色微妙無比身 一切世間皆顯照
諸佛如來之所加 以其力能有神通
便能得見於彼身 種種妙相自莊嚴
隨廣長相而能現 世間無能見其相

若有能知身相者

佛與世間無有別

若有能知其身量

所謂一切諸如來

佛身無身無差異

人與修羅亦復然

一切諸心悉空寂

受諸果報相亦爾

名色相貌既如是

清淨具足有光明

無有能知者

修此寂滅定

唯有世間親

不思億劫修

無量白淨法

從此三昧出

以定報力故

他不見我身

若有如是心

名色亦復然

心類各不同

名色相亦爾

若以麤大想

名色亦隨彼

名色若麤細

悉從憶想起

若人想微細

名色亦如此

名色若不著

其心身光照

我念過去生

七十阿僧祇

此三種惡想

從本未曾起

以其無漏心

不思議億劫

利益眾生故

他不見我身

若有以此物

心意得棄捨

是人於彼物

更不和共合

我心得解脫

一切種物中

能體知其性

而起於智慧

於千億佛刹

我於中現化

為眾生說法

是故不可見

無相無狀貌

猶如於虛空

我身不可說

語言道斷故

法身大雄猛

其身從法生 曾無有色身 說之以爲佛

若說於此身 聞已生欣樂 彼諸魔波旬

不能得其便 聞是深妙法 而不生驚怖

不以活命故 誹謗佛菩提 千億修多羅

如實智演說 爲衆生照明 彼彼所至處

童子是如來應正遍知若欲知如來色身相業者終

不能知若青若青色若青相似若青相貌若黃若黃

色若黃相似若黃相貌若赤若赤色若赤相似若赤

相貌若白若白色若白相似若白相貌若紅紫若紅

紫色若紅紫相似若紅紫相貌若玻黎若玻黎色若

玻黎相似若玻黎相貌若火若火色若火相似若火

相貌若金若金色若金相似若金相貌若電若電色

若電相似若電相貌若酥若酥色若酥相似若酥相

貌若毘瑠璃若毘瑠璃色若毘瑠璃相似若毘瑠璃

相貌若天若天色若天相似若天相貌若梵若梵色

若梵相似若梵相貌童子是爲如來身如來一切身

相不可量不可思議故亦不可說所成就色身諸天

世人莫能測量如是長短廣狹一切種無有限齊不

可思議如是等不可數爾時世尊而說頌曰

一切世界中 所有諸微塵 并及泉池源

大海所有水	設有巧筭術	無有知其邊
亦不知塵數	及與水滴者	如來之導師
引斯譬喻已	其水滴無限	微塵亦復然
我觀一衆生	多於彼塵數	發心及起信
於一時悉知	若於我自身	顯現外皮色
諸衆生信欲	無有譬知者	若相及與業
其色像如是	莫能知佛者	我相正如是
佛遠離於相	顯示於法身	甚深無限量
是佛不思議	正覺不思議	如來身亦然
是不思法身	以顯法身故	心業不能知

無能思此身	及與其身相	都無測量者
彼法無限量	億劫所修習	得此難思身
發淨大光明	衆生無能取	取之不可得
是故如來身	難量不可思	於諸無量法
而取於限量	無分別法中	佛無有分別
於分別限量	說於無分別	離念無分別
是佛不思議	無限如虛空	莫能度量者
佛身亦復爾	猶如太虛空	若有諸佛子
如實知我身	彼得成於佛	世親不思議

月燈三昧經卷之五

音釋

藪蘇后切環姑田切分齊並去聲也楷口駭切模規失

切環切藪蘇典切鈿古狎切也少也鈿也鈿也

月燈于元凱捐貲三兩三錢六分八厘刻

菴府君資冥福日

月燈三昧經卷之六

高齊天竺三藏法師那連提黎耶舍譯

童子菩薩摩訶薩有四種言論不可思議及其演說亦不可思議難可盡邊何等為四一者諸行言論不可思議二者何責有為言論不可思議三者煩惱資助言論不可思議四者清淨言論不可思議童子是為菩薩四種言論不可思議及其演說亦不可思議難可盡邊童子菩薩摩訶薩復有四種法何等為四一者諸行法不可思議二者訶責有為法不可思議三者煩惱法不可思議四者清淨法不可思議是為

四種童子菩薩摩訶薩復有四種相應何等爲四一者諸行相應不可思議二者訶責有爲相應不可思議三者煩惱相應不可思議四者清淨相應不可思議是爲四種童子菩薩摩訶薩復有四種門何等爲四一者諸行門不可思議二者訶責有爲門不可思議三者煩惱門不可思議四者清淨門不可思議是爲四種童子菩薩摩訶薩復有四種行說何等爲四一者諸行行說不可思議二者訶責有爲行說不可思議三者煩惱行說不可思議四者清淨行說不可思議是爲四種童子菩薩摩訶薩復有四種音聲何等爲四一者諸行音聲不可思議二者訶責有爲音聲不可思議三者煩惱音聲不可思議四者清淨音聲不可思議是爲四種童子菩薩摩訶薩復有四種語何等爲四一者諸行語不可思議二者訶責有爲語不可思議二者煩惱語不可思議四者清淨語不可思議是爲四種童子菩薩摩訶薩復有四種言語道何等爲四一者諸行語言道不可思議二者訶責有爲語言道不可思議三者煩惱語言道不可思議四者清淨語言道不可思議是爲四種童子菩薩摩訶薩復有四種權密說何等爲四一者諸行權密說

等爲四一者諸行音聲不可思議二者訶責有爲音聲不可思議三者煩惱音聲不可思議四者清淨音聲不可思議是爲四種童子菩薩摩訶薩復有四種語何等爲四一者諸行語不可思議二者訶責有爲語不可思議二者煩惱語不可思議四者清淨語不可思議是爲四種童子菩薩摩訶薩復有四種言語道何等爲四一者諸行語言道不可思議二者訶責有爲語言道不可思議三者煩惱語言道不可思議四者清淨語言道不可思議是爲四種童子菩薩摩訶薩復有四種權密說何等爲四一者諸行權密說

不可思議一者訶責有爲權密說不可思議三者煩惱權密說不可思議四者清淨權密說不可思議是爲四種童子菩薩摩訶薩復有四種知於諸天何等爲四一者諸行知於諸天不可思議二者訶責有爲知於諸天不可思議三者煩惱知於諸天不可思議四者清淨知於諸天不可思議是爲四種童子菩薩摩訶薩復有四種見知於人何等爲四一者諸行知人不可思議二者訶責有爲知人不可思議三者煩惱知人不可思議四者清淨知人不可思議是爲四種童子菩薩摩訶薩復有四種知名字何等爲四一

者諸行知名字不可思議二者訶責有爲知名字不可思議三者煩惱知名字不可思議四者清淨知名字不可思議是爲四種童子菩薩摩訶薩復有四種辯才何等爲四一者諸行辯才不可思議一者訶責有爲辯才不可思議二者煩惱辯才不可思議四者清淨辯才不可思議是爲四種童子菩薩摩訶薩復有四種決定何等爲四一者諸行決定不可思議二者訶責有爲決定不可思議三者煩惱決定不可思議四者清淨決定不可思議是爲四種童子菩薩摩訶薩復有四種入何等爲四一者諸行人不可思議

二者訶責有爲人不可思議三者煩惱人不可思議
四者清淨人不可思議是爲四種童子菩薩摩訶薩
復有四種度何等爲四一者諸行度不可思議二者
訶責有爲度不可思議三者煩惱度不可思議四者
清淨度不可思議是爲四種童子菩薩摩訶薩復有
四種金剛句何等爲四一者諸行金剛句不可思議
二者訶責有爲金剛句不可思議三者煩惱金剛句
不可思議四者清淨金剛句不可思議是爲四種童
子菩薩摩訶薩復有四種呪術句何等爲四一者諸
行呪術句不可思議二者訶責有爲呪術句不可思

議三者煩惱呪術句不可思議四者清淨呪術句不
可思議是爲四種童子菩薩摩訶薩復有四種出何
等爲四一者諸行出不可思議二者訶責有爲出不
可思議三者煩惱出不可思議四者清淨出不可思
議是爲四種童子菩薩摩訶薩復有四種修多羅句
何等爲四一者諸行修多羅句不可思議二者訶責
有爲修多羅句不可思議三者煩惱修多羅句不可
思議四者清淨修多羅句不可思議是爲四種童子
菩薩摩訶薩復有四種詞句何等爲四一者諸行詞
句不可思議一者訶責有爲詞句不可思議三者煩

惱詞句不可思議四者清淨詞句不可思議是爲四
種童子菩薩摩訶薩復有四種施設句何等爲四一
者諸行施設句不可思議二者訶責有爲施設句不
可思議三者煩惱施設句不可思議四者清淨施設
句不可思議是爲四種童子菩薩摩訶薩復有四種
明句何等爲四一者諸行明句不可思議二者訶責
有爲明句不可思議三者煩惱明句不可思議四者
清淨明句不可思議是爲四種童子菩薩摩訶薩復
有四種信義句何等爲四一者諸行信義句不可思
議二者訶責有爲信義句不可思議三者煩惱信義

句不可思議四者清淨信義句不可思議是爲四種
童子菩薩摩訶薩復有四種行句何等爲四一者諸
行行句不可思議二者訶責有爲行句不可思議二
者煩惱行句不可思議四者清淨行句不可思議是
爲四種童子菩薩摩訶薩復有四種不思議句何等
爲四一者諸行不思議句不可思議二者訶責有爲
不思議句不可思議三者煩惱不思議句不可思議
四者清淨不思議句不可思議是爲四種童子菩薩
摩訶薩復有四種無邊句何等爲四一者諸行無邊
句不可思議二者訶責有爲無邊句不可思議三者

煩惱無邊句不可思議四者清淨無邊句不可思議
是爲四種童子菩薩摩訶薩復有四種無限量句何
等爲四一者諸行無限量句不可思議二者訶責有
爲無限量句不可思議三者煩惱無限量句不可思
議四者清淨無限量句不可思議是爲四種童子菩
薩摩訶薩復有四種無窮句何等爲四一者諸行無
窮句不可思議二者訶責有爲無窮句不可思議二
者煩惱無窮句不可思議四者清淨無窮句不可思
議是爲四種童子菩薩摩訶薩復有四種不可稱句
何等爲四一者諸行不可稱句不可思議二者訶責

有爲不可稱句不可思議三者煩惱不可稱句不可
思議四者清淨不可稱句不可思議是爲四種童子
菩薩摩訶薩復有四種阿僧祇句何等爲四一者諸
行阿僧祇句不可思議二者訶責有爲阿僧祇句不
可思議三者煩惱阿僧祇句不可思議四者清淨阿
僧祇句不可思議是爲四種童子菩薩摩訶薩復有
四種無量句何等爲四一者諸行無量句不可思議
二者訶責有爲無量句不可思議三者煩惱無量句
不可思議四者清淨無量句不可思議是爲四種童
子菩薩摩訶薩復有四種不可測量句何等爲四一

者諸行不可測量句不可思議二者訶責有爲不可
測量句不可思議三者煩惱不可測量句不可思議
四者清淨不可測量句不可思議是爲四種童子菩
薩摩訶薩復有四種不行句何等爲四一者諸行不
行句不可思議二者訶責有爲不行句不可思議三
者煩惱不可句不可思議四者清淨不行句不可思
議是爲四種童子菩薩摩訶薩復有四種智句何等
爲四一者諸行智句不可思議二者訶責有爲智句
不可思議三者煩惱智句不可思議四者清淨智句
不可思議是爲四種童子菩薩摩訶薩復有四種智

聚何等爲四一者諸行智聚不可思議二者訶責有
爲智聚不可思議三者煩惱智聚不可思議四者清
淨智聚不可思議是爲四種童子菩薩摩訶薩復有
四種智性何等爲四一者諸行智性不可思議二者
訶責有爲智性不可思議三者煩惱智性不可思議
四者清淨智性不可思議是爲四種童子菩薩摩訶
薩復有四種辯聚何等爲四一者諸行辯聚不可思
議二者訶責有爲辯聚不可思議三者煩惱辯聚不
可思議四者清淨辯聚不可思議是爲四種童子菩
薩摩訶薩復有四種辯性何等爲四一者諸行辯性

不可思議一者訶責有爲辯性不可思議二者煩惱
辯性不可思議四者清淨辯性不可思議是爲四種
童子菩薩摩訶薩復有四種修多羅何等爲四一者
諸行修多羅不可思議二者訶責有爲修多羅不可
思議三者煩惱修多羅不可思議四者清淨修多羅
不可思議是爲四種童子菩薩摩訶薩復有四種修
多羅聚何等爲四一者諸行修多羅聚不可思議二
者訶責有爲修多羅聚不可思議三者煩惱修多羅
聚不可思議四者清淨修多羅聚不可思議是爲四
種童子菩薩摩訶薩復有四種多聞何等爲四一者

諸行多聞不可思議二者訶責有爲多聞不可思議
三者煩惱多聞不可思議四者清淨多聞不可思議
是爲四種童子菩薩摩訶薩復有四種財何等爲四
一者諸行財不可思議二者訶責有爲財不可思議
三者煩惱財不可思議四者清淨財不可思議是爲
四種童子菩薩摩訶薩復有四種學何等爲四一者
諸行學不可思議二者訶責有爲學不可思議三者
煩惱學不可思議四者清淨學不可思議是爲四種
童子菩薩摩訶薩復有四種境界何等爲四一者諸
行境界不可思議二者訶責有爲境界不可思議三

者煩惱境界不可思議四者清淨境界不可思議是爲四種童子菩薩摩訶薩復有四種業何等爲四一者諸行業不可思議二者訶責有爲業不可思議三者煩惱業不可思議四者清淨業不可思議是爲四種童子菩薩摩訶薩復有四種安住何等爲四一者諸行安住不可思議二者訶責有爲安住不可思議三者煩惱安住不可思議四者清淨安住不可思議是爲四種童子菩薩摩訶薩復有四種修道何等爲四一者諸行修道不可思議二者訶責有爲修道不可思議三者煩惱修道不可思議四者清淨修道不可思議

可思議是爲四種童子菩薩摩訶薩復有四種斷煩惱智何等爲四一者諸行斷煩惱智不可思議二者訶責有爲斷煩惱智不可思議三者煩惱斷煩惱智不可思議四者清淨斷煩惱智不可思議是爲四種童子菩薩摩訶薩復有四種煩惱智何等爲四一者諸行煩惱智不可思議二者訶責有爲煩惱智不可思議二者煩惱煩惱智不可思議四者清淨煩惱智不可思議是爲四種童子菩薩摩訶薩復有四種惡道智何等爲四一者諸行惡道智不可思議二者訶責有爲惡道智不可思議三者煩惱惡道智不可思

智不可思議四者清淨憂智不可思議是爲四種童子菩薩摩訶薩復有四種貧智何等爲四一者諸行貧智不可思議二者訶責有爲貧智不可思議三者煩惱貧智不可思議四者清淨貧智不可思議是爲四種童子菩薩摩訶薩復有四種生智不可思議何等爲四一者諸行內智不可思議二者訶責有爲內智不可思議三者煩惱內智不可思議四者

清淨內智不可思議是爲四種童子菩薩摩訶薩復有四種外智何等爲四一者諸行外智不可思議二者訶責有爲外智不可思議三者煩惱外智不可思議四者清淨外智不可思議是爲四種童子菩薩摩訶薩復有四種慙智何等爲四一者諸行慙智不可思議二者訶責有爲慙智不可思議三者煩惱慙智不可思議四者清淨慙智不可思議是爲四種童子菩薩摩訶薩復有四種愧智何等爲四一者諸行愧智不可思議二者訶責有爲愧智不可思議三者煩惱愧智不可思議四者清淨愧智不可思議是爲四

種童子菩薩摩訶薩復有四種實智不可思議何等
爲四一者諸行實智不可思議二者訶責有爲實智
不可思議三者煩惱實智不可思議四者清淨實智
不可思議是爲四種童子菩薩摩訶薩復有四種修
習智何等爲四一者諸行修習智不可思議二者訶
責有爲修習智不可思議三者煩惱修習智不可思
議四者清淨修習智不可思議是爲四種童子菩薩
摩訶薩復有四種事智何等爲四一者諸行事智不
可思議二者訶責有爲事智不可思議三者煩惱事
智不可思議四者清淨事智不可思議是爲四種童

子菩薩摩訶薩復有四種富伽羅智何等爲四一者
諸行富伽羅智不可思議二者訶責有爲富伽羅智
不可思議二者煩惱富伽羅智不可思議四者清淨
富伽羅智不可思議是爲四種童子菩薩摩訶薩復
有四種取著智何等爲四一者諸行取著智不可思
議二者訶責有爲取著智不可思議三者煩惱取著
智不可思議四者清淨取著智不可思議是爲四種
童子如是菩薩四種取著智不可思議及其演說亦
不可思議說不能盡童子菩薩摩訶薩復有四種離
惡道智何等爲四一者諸行離惡道智不可思議二

者訶責有爲離惡道智不可思議三者煩惱離惡道
智不可思議四者清淨離惡道智不可思議是爲四
種童子菩薩摩訶薩復有四種斷無明智何等爲四
一者諸行斷無明智不可思議二者訶責有爲斷無
明智不可思議三者煩惱斷無明智不可思議四者
清淨斷無明智不可思議是爲四種童子菩薩摩訶
薩復有四種陀羅尼不可思議及其演說亦不可思
議說不能盡何等爲四謂不可思議諸行言說於彼
中智是名初陀羅尼不可思議訶責有爲言說於彼
中智是名第二陀羅尼不可思議煩惱資助言說於

彼中智是名第三陀羅尼不可思議清淨資助言說
於彼中智是名第四陀羅尼如是四種不可思議及
其演說亦不可思議說不能盡童子菩薩摩訶薩復
有四種法陀羅尼何等爲四謂不可思議諸行法於
彼中智是名初陀羅尼不可思議訶責有爲法於彼
中智是名第二陀羅尼不可思議煩惱法於彼中智
是名第三陀羅尼不可思議清淨法於彼中智是名
第四陀羅尼童子是名菩薩四種陀羅尼不可思議
及其演說亦不可思議說不能盡童子菩薩摩訶薩
復有四種相應陀羅尼何等爲四謂不可思議諸行

相應於彼中智是名初陀羅尼不可思議訶責有爲
相應於彼中智是名第二陀羅尼不可思議煩惱相
應於彼中智是名第三陀羅尼不可思議清淨相應
於彼中智是名第四陀羅尼童子是名四種陀羅尼
不可思議及其演說亦不可思議說不能盡童子菩
薩摩訶薩復有四種陀羅尼門何等爲四謂不可思
議諸行門於彼中智是名初陀羅尼不可思議訶責
有爲門於彼中智是名第二陀羅尼不可思議煩惱
門於彼中智是名第三陀羅尼不可思議清淨門於
彼中智是名第四陀羅尼童子是爲四種陀羅尼門

不可思議及其演說亦不可思議說不能盡乃至斷
除無明智皆有四種陀羅尼不可思議及其演說亦
不可思議說不能盡皆如上說童子是陀羅尼卽是
智慧如是智慧則能了知一切諸法但有名字是則
名爲法無礙智如是法智能達於義是名義無礙如
是法智能知諸法言辭差別是名辭無礙若說彼文
字若顯示若施設若次第不斷若開曉若廣演分別
若開示令淺若平等普示言不吃澀不瘠瘞不怯訥
說不滯著言辭任放任放中勝是名樂說無礙爾時
世尊卽說偈言

言音所施設	出聲亦復爾	如所出音聲
佛智亦復然	所有諸佛智	聲施設亦爾
如是施設事	聲光明亦然	如是聲光明
戒名亦如是	如是戒名字	佛名亦復然
如是佛名號	佛功德亦爾	我知一眾生
悉知爾許名	佛無量語言	我先已宣說
戒名與佛名	眾生名亦等	有為多過患
涅槃德亦然	佛利益如是	譬喻以顯示
所有諸眾生	發心已顯示	導師一毛孔
出光亦如是	一切諸眾生	名號及信欲

如來過於彼	以聲身說法	一切眾生名
顯示一眾生	如是一人名	顯示諸眾生
一切平等入	此是正覺說	說於無量名
為諸菩薩故	我今云何能	說億不思議
受持是經典	顯示不怯弱	處眾無礙辯
演說億經典	如虛空無邊	辯才亦如是
是菩薩功德	清淨導眾生	受持是經典
成於無盡智	數數顯示說	於法能信受
彼增長智慧	猶如雪山樹	
童子是菩薩行法無礙於法見法而得安住童子云		

何菩薩摩訶薩行法無礙於法見法而得安住童子
 是菩薩摩訶薩知非色不異色而說於法知非色不
 異色而能修行知非色不異色而求菩提知非色不
 異色而教化衆生知非色不異色而見如來但不壞
 於色而見如來非異色非異色性而見如來色及色
 性及以如來等無有二若能如是見諸法者是各行
 法無礙識想受行亦復如是爾時世尊卽說偈言

以色顯菩提 以菩提顯色 是不相似者
 最勝以顯說 所說色相麤 色性甚深與
 色與菩提等 差別不可得 如涅槃甚深

以聲故宣說	涅槃不可得	聲說亦復然
音聲及所說	彼二不可得	如是空法中
涅槃不可得	說涅槃寂滅	寂滅不可得
一切法無生	如前後亦爾	一切法體性
涅槃等相似	知者真出家	與佛法相應
若觀佛色身	說已見如來	我身非色像
無有能見者	知於色自性	是色相如是
能知色性者	爲顯示大身	如是諸五陰
我已知相貌	達法自體性	安住於法身
安住法身已	爲衆生說法	如來微妙法

不可以言宣 理深不可知 聞於正覺說
 但音聲語言 我已得初果 若除一切想
 遠離戲論事 無有存想者 而見世大師
 若人能知空 即便知色相 無有異空說
 別有色自性 若能知色者 是則能知空
 若能悟空者 是則知空滅 若人能知色
 是色相如是 不為僣厚媿 退動彼菩提
 不能知此道 取著則成失 非物取物想
 物取於非物 為親財利誑 於法中有失
 非果取果想 亡失沙門財 懈怠少精進

而不住戒聚 不應行法人 云此非佛說
 或復有人言 我行於菩提 無慧難調者
 更互不相敬 稀求美名譽 不善任禁戒
 恒念何時得 名聞普周徧 為求利養故
 廣集衆多人 傲慢縱放逸 專求覓利心
 樂在白衣舍 為恭敬利養 造寺及塔廟
 斯皆為名利 依止取著心 常求渴愛欲
 專營世俗業 止住魔境界 向彼白衣說
 愛欲如火焮 若入俗人家 常汙他女婦
 白衣於是人 恒作大師想 伺候男夫行

婦女相染合 彼家以美饍 供給是比丘
反於彼妻所 如自已婦想 白衣於婦所
尚不起嫉妬 而出家比丘 他妻生嫉忌
俗人處居家 善護持五戒 況得出家已
棄捨一切禁 鼓貝諸音樂 而以供養我
行供養最勝 末世莫能成 自毀諸禁戒
見他持律者 向於世間說 彼與我無異
聞讚持戒者 毀戒行惡境 聞說真佛法
云非佛所誦 心無有慙愧 喪失沙門財
若勸真實語 誹謗我所說 戒不完具者

棄捨我道教 毀謗於正法 阿鼻獄爲家
我未曾見聞 修習如是行 愚癡任惡者
能獲於佛智 彼諸諛語者 及以多曲僞
我悉知是人 智矚恒不絕 我若一劫中
說彼諸過失 自謂菩薩者 但能說少分
童子汝當知 彼無惡不造 於彼末世時
慎勿與親友 以不亂濁心 接引共語言
承事而供給 爲求佛道故 當問其夏臘
若是耆宿者 應供養恭敬 頭面接足禮
勿觀他過失 彼必至道場 莫生瞋怒意

當起慈悲心 若見彼過咎 不對說其愆
 常念所作業 必獲如是果 若於老少所
 語言常含笑 發言先慰問 滅除已傲慢
 衣服及餘食 常以奉供養 作如是心施
 是等悉成佛 若長宿請問 為求法施故
 應先作是言 我學習不廣 又復作是言
 汝等甚黠慧 於汝大人前 豈敢輒宣說
 說時勿倉卒 當揀器非器 觀其機器已
 不請亦為說 若於大眾中 見他毀禁者
 勿歎持戒德 當歎施等行 若見少欲者

與持戒相應 起於大慈心 讚少欲持戒
 若毀禁戒少 持淨戒者多 得於彼伴黨
 便可歎持戒 初觀察大眾 悉樂諸善法
 所有善法者 一切悉讚歎 施戒多聞忍
 精進及少欲 知足遠離行 顯示如是法
 讚歎如是法 盡說他世道 諸無悲愆事
 慈心勿忿怒 在空任禪樂 遠離憤鬧眾
 法當歎彼德 此名總持門 當樂空閑處
 勿專行施業 一心修宴坐 莫謂戒最勝
 任淨戒聚已 能集多聞持 求是三昧故

常供佛舍利 能以蓋幢幡 華鬘塗抹香
爲求是寂定 而供養諸佛 以勝上妓樂
妙歌相和雅 爲供佛舍利 勇健不劣心
所有諸華鬘 一切香衣服 悉持供養佛
爲求佛智故 衆生諸福分 平等施無偏
爲求無礙智 謂諸佛無上 我曾先佛所
施設不思供 以無偏依心 求此寂定故
佛出甚難遇 人身得亦難 信佛法亦難
出家具戒難 汝今得值佛 發於菩提心
勿捨堅誓願 安任其善行 若受持此經

於後末世時 速得無礙辯 受持不忘失
若能持一偈 福聚難思議 況復悉能領
如義具足受 衆生盡得佛 勇猛悉供養
恭敬而尊重 盡衆生數劫 若於此三昧
能受持一偈 於彼前功德 十六不及一
我知佛智慧 不思議利益 受持此三昧
一切佛所行

月燈三昧經卷之六

音釋

吃

居一切言 怯訥 怯乞業切畏懦也 焮 弋瞻

蹇難也

怯訥

怯乞業切畏懦也 焮 弋瞻

焮弋瞻

經

月燈明經卷之二

子

五

音釋

金壇于元凱捐貲四兩三錢三分九厘刻
 月燈三昧經第五卷計七千二百三十二字為
 亦菴府君資冥福
 乙酉九月 日



Vertical columns of faint text, likely bleed-through from the reverse side of the page. Some characters are partially legible, including '佛', '經', '卷', '之', '二', '字', '為', '七', '千', '二', '百', '三', '十', '二', '字', '為', '亦', '菴', '府', '君', '資', '冥', '福', '乙', '酉', '九', '月', '日'.

上
四十三